


明世法錄


四十二之三




漢書門			
二	二	八	類
九	〇	函	架
五	九	二	架

內閣文庫			
二	二	八	漢書
九	五	九	函
五	九	二	架
二	六	一	架

內閣文庫			
番號	漢	2228	
冊數	59(29)		
函號	295	56	





皇明世法錄卷四十二

史官 陳仁錫 評纂



淺草文庫

兵制

大閱

高皇起兵之初隨地閱武癸卯冬閱於金陵之鷄籠山論諸將後二歲將經理淮甸親閱將士使分隊習戰勝者人與十金其傷而不退者亦賞之給酒饌醫藥顧謂起居注詹同日兵不貴多而貴精近募兵多濫吾特為試之庶得精銳可用也其明年即

吳王位為吳元年御戟門閱士因諭曰在軍行伍不



初閱金陵鷄籠山經理淮甸閱將士

御戟門閱士

復閱騎士
弓弩

閱武較場

午門習射

丹墀

可不整。進退不可無節。雖屯營廬舍亦然。倏有徵調。易集。自今居營者。首總旗。小旗次之。軍又次之。比屋而居。即出征家室。亦得互相保愛。臨敵之時。一如前法。已復閱騎士弓弩。洪武六年。閱武於較場。後復閱武午門。賜鈔帛。仍命將軍衛士。日習射於門內丹墀。以為常。

文皇帝從

聖祖定天下。在燕邸時。時統諸軍出塞討虜。既即位。八年。征胡大閱。後四年。復大閱。已每出師則隨地閱焉。

征胡大閱

勅近京衛
將領率所
部軍馳至
待閱

閱武于將
臺

閱西苑

章皇帝即位之三年。則勅近京五十三衛將領率所部軍。馳至待閱。已命英公張輔。簡軍扈從。都督府率之。並閱。而謂守臣曰。朕以農務畢。閱武近郊。修祖宗故事也。其後七年而

英宗在位。閱武於將臺。命諸將較射。較者萬餘人。人各三矢。駙馬都尉并源。彎弓躍馬。三發三中。之。上徹上尊。以賜觀者。四年冬。召五軍三千。神機三營。總兵而下。官千數百人。入西苑。與御馬監勇士馳射。差次其優劣。而大學士李賢。彭時。呂原。尚書王翱。馬昂。並往觀焉。已謂賢等曰。再試不精。則黜無赦。來月。以

復命閱西苑

隨操武臣及勇士之備侍衛者未及試復命閱於西苑召賢等隨觀

純皇帝之九年仍御西苑閱騎射已諭撫寧侯朱永曰今者朕閱將領中三矢者四人其二矢者二十三人一矢者九十九人餘僅發一二矢甚或不任挽弓弓墮驟失節所訓練謂何為將如此而望遞教軍士皆爾等之過也其悉差別以聞既而永等列上復諭之曰此曹亦繇爾等簡試何不精迺爾耶後有缺需補者其精之永頓首謝

毅皇帝四年中官劉瑾以上命召神機等營官英

西場較閱

公張懋及定公徐光祚等悉赴西場較閱已又置威武營領四鎮卒躬自團操

肅皇帝即位虜薄近郊給事中暨禮臣咸疏邇醜虜跳梁致屢宵旰如蒙法駕親臨視其舉廢以施賞罰詔姑已之

莊皇帝二年大司馬疏議大閱之禮

宣宗嘗行之兔兒山

英宗嘗行之北郊又嘗行之西苑伏望自明年為始於冬季農隙請車駕親臨較武嗣後間歲一行制

曰可明年秋更教場門為閱武門已禮臣奏大閱之

更教場門為閱武門

慶行大閱

皇明世宗錄

卷四十三 兵制

三 大閱

禮。其如議。勅三大營。選騎兵二千扈從。又親擇文武大臣各一。總率諸守門內外官軍。嚴城闔之禁。令所司呵禁往來者。前期告內殿。至日遣官祭旗纛之神。錦衣衛備鹵簿。法駕皇極門下。上常服輦出長安門左。鼓吹振作。已從安定門。進閱武門。中軍舉砲者三。諸營鈺鼓應之。入行宮。鳴金息鼓。已戎服登臺。升御幄。復舉砲三。將臺吹號笛。摩黃旗。遂閱陣戰兵十枝。車兵十枝。各下方營。中軍三砲。東西門合衝擊。已收兵。復出東西門挑戰。鳴金。鼓作。已復吹號笛。摩黃旗。諸軍悉入營。迺閱射騎。箭三。步六。用御史二人。兵

部司屬二人。爲監。中則報以鼓。復閱藝刀槊火器。各試一隊射。差爲三等。是日列上第者。撫寧侯朱岡而下。凡六十有三人。畢集將士諭曰。詰戎講武。保治弘圖。訓練有方。國威乃壯。爾等勉之。回行宮。易服升輦。中軍舉砲三。鼓吹振作。出閱武門。奏武成樂焉。還御皇極門。勅勵將士。賞賚有差。已總兵官鎮遠侯顧寰等。具表謝。百官皆賀。

神祖九年。復命舉於較場。如穆廟故事。

親征

高皇即帝二年秋。始命中書臣定軍禮。其冬立旗纛廟。歲兩致祭云。先是上起兵臨濠。渡江之後。取太平。下安慶。克寧國。婺州。皆身先將領。為士卒倡。已陳友諒入寇。上總大兵。與徐達常遇春合擊。大破之。遂率舟師討友諒於江州。上御龍驤巨艦。署前旗曰。弔民伐罪。納順招降。明年下洪都。友諒來攻。迺禡於龍江。舟師凡二十萬俱發。大戰鄱陽湖。敵大敗。上日與諸博士草檄賦詩。而遣裨將分擊其旁郡。友諒中流矢死。已征友諒子理於武昌。尋還建康。留諸

討陳友諒

發龍江舟師二十萬

諒死理降

將圍之。復以吳王往視師。理降。自渡江之日。親御戎行者九。而戰苦蹈危。惟鄱陽為最。

征胡整淇國之敗不
大創不止
天子自將
臨邊正如
是

文皇帝在燕邸。兩出塞討虜。已以靖難起兵。凡七出師。即位之八年春。以淇國公丘福之敗。下征胡詔。駕次玄石坡。銘於立馬峰石曰。維日月明。維天地壽。玄石勒銘。與之悠久。次禽胡山。銘曰。瀚海為罽。天山為鏢。一掃胡塵。永清沙漠。次廣武鎮。銘曰。於鏢六師。用殲醜虜。山高水深。永彰我武。夜宿長清塞。是時虜酋本雅失里。聞親征。甚恐。眾亂相讎。殺西奔。追及。一戰敗之。酋以七騎遁。阿魯台復迎敵。又破之。連戰復大

征瓦刺

破走之。乃班師。阿魯台稱臣款塞。十二年。征瓦刺馬哈木。

奇功頭功
獲奸功

將閱兵又閱

皇太孫從。頒軍中號令。有奇功頭功。獲奸者與頭功同。紀功過官。隨錄以憑賞罰。追馬哈木等至土刺河。大敗之。虜北遁。三日。班師。阿魯台遣使來朝。後十九年。復寇邊。明年春。親征。命英公張輔。同部臣議。餽運駐驛雲州。閱兵。已復閱諸將。自製平虜山曲。令軍中歌之。數日。召張輔。及安遠侯柳升。寧陽侯陳懋等。就營中馳射。俱連中。餘半之。不中者罷其領兵。下令軍中樵牧。毋出長圍之外。是時大營居中外。分置五軍。

還軍攻兀
良哈

皇明世宗法錄 卷四十三
建左右哨掖以總之步內騎外神機營在騎卒外外
為長圍各周二十里云阿魯台遠遁發兵焚其輜重
收其物畜而還還軍剪兀良哈大破之是役也前後
餽運共三十七萬石驢三十四萬頭車十一萬七千
餘兩丁夫二十三萬有奇明年秋或傳阿魯台將寇
邊上先出塞外待之次土木畢宴將士微雨浥御
衣張蓋麾之止大閱勅諸將曰朕不憚勤勞以驅寇
虜為民計也夫一夫奮軀千人莫敵今以三十萬眾
仗義誅殘何嚮不克女勉之哉抒謀勵勇身先士卒
不懈於夙夜何功不成漢羽飛皆熊虎之將士忠貫

征阿魯台

日月沒亦廟食百世此真大丈夫所樹立女必勉之
命諸將於營外布陳神機銃前馬隊後軍士時操習
且諭曰陳密則固鋒流則達接戰之際首以銃摧其
鋒繼以騎衝其堅敵不足畏也冬虜王子也先土干
來歸詔封為忠勇王賜名金忠遂詔班師入居
庸關上龍袞御玉花驄金鼓旗旄亘數十里明年
邊將奏阿魯台所部寇邊初忠勇王屢言阿魯台弑
主逆命請討之願為先鋒上曰卿意固善但事須
有名古謂漢過不先爾姑待及是邊報至復興師命
定隨征官軍賞格大閱次開平召閣學士楊榮幄中

皇明世宗法錄

卷四十三 兵制

七 親征

諭曰朕昨三鼓夢有若世所畫神人者云上帝好生且再是何祥也豈天屬意此寇耶榮曰陛下好生誠格於天此舉固在除暴安民然火炎崑岡願分別玉石上曰然即勅往虜中諭其部落已諭諸將以深入虜地須嚴偵候肅部伍晝夜加防毋忽兩重車在後上曰輜重六軍所恃以為命兵法無輜重無糧食無委積者皆危道爾等獨不慮耶命分兵接之是時將士皆踴躍思戰而四望不見虜楊榮金幼孜奏虜已遁矣英公輔言願假臣一月糧率騎深入罪人必得上曰今出塞久歸途尚遠榮幼孜之言不可不思遂命旋師次清水源旁有石崖數十丈使榮等刻石紀行曰令後世知朕親征過此也

英國公願
深入虜

一月奏凱

乘勝破虜

宣宗之二年漢庶人高煦反楊榮首勸上親征夏原吉亦言往事可鑒不可失也且兵貴神速宜卷甲韜戈一鼓而擒之榮言是遂兼程而進抵樂安城下械高煦以歸自八月初旬出師屆九月還京明年駕巡邊至石門喜峰口守將遣人奏兀良哈萬眾入寇將及寬河上曰是天遣此寇投死耳今須禽之朕以鐵騎三千先進出其不意成禽必矣或言三千未必足用上曰兵在精與和不在多三千兵足辦禽

皇明世宗錄

卷四十二 兵制

八 親征

皇明世宗 卷四十二
賊諸軍可繼進。駕出喜峰口。夜軍士皆銜枚。斂甲韜
戈。馳四十里。虜來戰。命鐵騎分兩翼夾擊之。上親
射其前鋒三人。殪之。虜望見黃龍旗。知上親在也。
下馬羅拜請降。悉生縛以歸。

英宗十四年。北虜也先入寇。王振不與大臣議。挾
上親征。師出。連日風雨。至大同。欽天監正彭德清斥
振曰。象緯示警。脫有疎虞。誰執其咎。學士曹鼐曰。臣
子固不足惜。奈主上何。振怒。詈曰。倘有此天也。時前
軍俱覆沒。或密告振以決不可行狀。乃班師。至土木
將入保懷來城。而振輜重千餘兩。未至。留待之。虜來

攻。駕遂北狩。

孝皇十五年。虜逼近塞下。上謀出師。召劉大夏議。
以爲不可。上曰。文皇帝頻年北征破虜。何爲不可。
對曰。今何時也。將偷士不服習。且以淇公丘福之雄。
稍違節制。數萬甲兵。俱陷虜庭。矧今又在福下哉。莫
若令諸將防守便。上乃止。又三年。而
武宗卽位。其後幸大同。虜轉掠應州。率諸邊將擊之。
虜引去。凡斬級十六。我軍歿者五十餘人。重傷五百
六十餘人。乘輿幾殆。又二年秋。寧宸濠反。王守仁討
擒之。而諸幸將多獻擒宸濠之策。上亦欲以此南

遊。遂命出師。而守仁奏至。明年冬。自南京班師凱旋。先是應州之役。文武臣各張綵爲賀。大學士楊一清等操壺奉觴。上詫謂學士。朕躬與虜交鋒。手馘其魁一級云。旋復稱威武大將軍。屢巡邊。而南遊之役。淹及二載。

征調

高皇卽位之三年。命造用寶金牌。中書省督府各藏其一。遇制書發兵。省府以牌入。而內府以寶識之。又有軍國調發符牌。藏之內府。遇征調急務。則使者佩以行。已以古者符寶示大信於天下。關防弗嚴。則奸僞繇生。復命更金牌之製。仍分掌之省府。凡急詔下中書省。則丞相同都督官入覆奏。如督府先被旨。亦如之。其有不行約會者。以奸論。蓋其慎也。至文皇時。復置邊城調軍勘合。共百號爲籍二。一留內府。一付邊將。遇制救下。則以勘合比號同。方發。其有

皇明世宗金 卷四十三
制勅而無勘合。及比號不同者。卽屬僞不許。而防範益詳矣。洪武之五年。征西將軍馮勝。北征虜。發河南衛兵。從人給布二匹爲行帳。凡發者三萬人。而大都督同知何文輝。領山東步騎。從副將軍李文忠出應昌。發者二萬八千人。○十一年。西番屢寇邊。以沐英爲征西將軍。征之。命率京衛河南陝西山西馬步軍往。○十八年。議北征。命宋公馮勝操練以待。凡發北平騎步軍五萬人。山西陝西各三萬人。○十九年。命都督僉事商嵩往河南山東訓練軍馬。率起遼東。長興侯耿炳文率陝西延安。及西安護衛軍。赴北平。俱

聽征。○二十年。征雲南。凡調湖廣官軍五萬六千五百六十人。賞鈔五十六萬八千錠。又調陝西山西五萬六千餘。亦賜鈔有差。嗣又調楚府護衛兵六千人。又詔長興侯耿炳文發陝西兵往屯種。凡三萬三千人。○二十二年。敕河南都司直隸衛所練卒。聽征。人給鈔三錠。又命列侯往各省訓練。王弼山西。周武河南。孫恪陝西。謀征漠北也。又勅遼東官胡旻朱勝。練所部馬步軍各萬人。明年。命穎國公傅友德。列侯趙庸曹興王弼孫恪。率赴北平。聽

燕王節制。先是已遣弼山西。因勅弼以山西兵。聽晉

王節制復勅齊王率山東都司兗州護衛及徐邳二衛馬步軍隨征仍聽

申調兵捕賊例

燕王節制。○二十八年申調兵捕賊之例。凡所在寇發三四十人。則調軍一二百人。寇數百人。則調數千人。為之期日必得。官不躬率。或調兵失律者。罪之。榜示天下。是歲廣西土官趙宗壽及南丹向武諸蠻反。以楊文為征南將軍。韓觀宋晟為左右副將軍。率京衛馬步軍三萬。會廣西兵進討。又令調南寧衛兵千人。江陰侯吳高領之。柳州衛千人。安陸侯吳傑領之。各從征。○三十年以長興侯耿炳文為征西將軍。武

討刀幹孟

征安南

定侯郭英副之。選陝西甘肅步騎巡西北邊備胡。○已命楚王楨率護衛精銳及都司所屬諸軍。征古州洞蠻。湘王柏副之。尋以平羌將軍齊讓征蠻無功。命楊文為征虜前將軍。韓觀為副將軍。河清宋忠為叅將。統京衛及湖廣江西等軍伐之。已又命西平侯為征虜前將軍。何福徐凱為左右將軍。率雲南四川衛兵討刀幹孟。○永樂四年征安南。敕浙江福建江西廣東湖廣軍俱往廣西聽征。凡八萬人。復發鎮江蘇州鎮海金山建陽新安九江儀真高郵淮安安慶六安滁壽泗陽邳徐廬宣二十衛馬步軍往。凡萬人。又

征胡

勅總兵官韓觀大理卿陳洽選廣西土軍往會太平府發者三萬人又勅山東都司選青州二護衛及儀衛司軍校率赴京隨南征共千人已發廣東軍六百人具器甲糗糧海道往占城會合軍馬防遏黎寇以千戶二員百戶六員領之○七年征胡勅寧遠侯何福選陝西都司馬步軍萬人胥後命復勅永康侯徐忠選南京睢陽歸德武平鎮江等衛步騎凡三萬人寧陽伯陳懋選陝西屬衛及慶秦二護衛步騎萬九千人江陰侯吳高選山西及晉府護衛萬千人仍命

復征胡

中軍留守司河南廣東山東三都司周楚二護衛選步騎四萬五千人又發臨洮河氓西寧平涼諸衛土兵五千人人賜鈔給行糧赴京師期以明年春悉至明年又勅遼東官儲欽巫凱於所調軍選步卒五千人令還備寇護屯田餘悉傳京師○九年命張輔爲征虜副將軍往交趾會征夷將軍沐晟勦叛者又發四川廣西江西湖廣雲南貴州六都司安慶等十四衛兵往發者二萬四千人○十一年敕貴州總兵官顧成調兵一萬卽選於武當辰沅五開九衛而令播州宣慰司楊昇調土軍六千或四千聽征○十九年復議征胡勅各都司衛所選步騎傳京師河南者五

千。都指揮張禎。率領山西五千。太原三護衛四千。都指揮朱銘。率領潼關衛一千。委本衛官一員。率領。又勅都督僉事章安。選口北各衛步騎一萬人。赴宣府。山西都指揮李謙盛。全選步騎一萬人。至萬全。又特勅諭左通政樊敬。於河南運磚官軍。選精壯二萬人。至京。又敕寧陽侯陳懋。選寧夏步騎六萬五百人。陝西都司中都留守司直隸徐揚邳宿沂淮安武平歸德睢陽九衛。西安三護衛。通選步騎一萬四千三百人。各以能幹。官率至京。○宣德元年。交趾復叛。命成山侯王通討之。發楚蜀二護衛步兵各千人。又發福

復征交趾

建廣東雲南貴州四川湖廣各都司。南直隸各衛。馬步軍萬五千人。而於思明田州。調弩手三千爲鄉導。復勅廣西總兵官顧興祖。調官軍五千人。赴之。聽成山侯節制。已。又調南北京衛。中都留守司。武昌護衛。江西福建浙江山東河南湖廣廣東貴州司官軍。共七萬人。屬安遠侯柳升。黔國公沐晟。分統討之。其明年。勅再調武昌護衛官軍一千人。成都護衛一千二百人。南京前下西洋精銳官軍一萬人。中都留守司。湖廣浙江河南山東廣東福建江西雲南四川都司。福建四川行都司。官軍三萬三千人。從征。以交趾未

勦達賊

征兩廣大
藤峽徭賊

下故也。○正統元年。勅右都督蔣貴領京兵二千五百人。調潼關甘肅精銳戰士五千人。勦達賊。又勅副總兵趙安領洮岷等衛兵五千人。亦於沿途哨捕。其明年。以寧夏總兵官史昭奏達賊欲入犯。乞於腹裏衛所抽添。勅秦王選西安護衛軍校一千益之。四年。調湖廣官軍三萬一千五百人。貴州一萬人。四川八千五百人。命都督吳亮馬翔率之。雲南征麓川。聽沐晟節制。十三年。以宮聚為平蠻將軍。靖遠伯王驥督軍務。率南京直隸及雲南湖廣四川貴州官軍土軍。征思機發。○天順五年。命顏彪佩征夷將軍印。征兩

征貴州山
都蠻

廣大藤峽徭賊。調南京江西及直隸九江等衛官軍一萬隸之。命兵尚書馬昂督軍務。懷寧伯孫鏗佩印。充總兵官。統京師騎兵一萬五千人。往陝西擊虜。又先期發河南山東北直隸京操下班官軍屯駐以待。發者二萬人。○成化三年。貴州山都蠻作亂。命襄城伯李瑾兵部尚書程信發川廣雲貴番漢兵討之。明年滿四反石城。以劉玉總兵。項忠為總督討之。內臣劉祥為監。凡發京邊軍五萬人。忠初戰不克。本兵程信議濟師。業命朱永率京兵四萬人往獨輔。臣彭時持其議不果。發而忠卒成功。是後汪直用事。十五年。

○知○兵○之○將○

征建州夷

討霸州賊

征河南賊

北虜小王子近邊

討大同兵

命陳鉞征建州夷。十六年王越征虜於威寧。又復往大同。凡發營軍一萬人。○正德六年始調邊軍入討賊。初霸州賊劉寵等起自幾甸。流劫郡邑。營兵不能制。詔徵宣府延綏二鎮兵討之。副總兵許泰遊擊將軍郤永各領千人。由居庸至涿州。副總兵馮禎千五百人。由紫荆關至保定。聽提督調遣。人給二金。所過具糗糧勿絕。是役也。雖獲賊有功。然師行繁費。民罹屠僇。有大櫛小櫛之謠。而邊方弛備。且起藩鎮心識者。有遺憂矣。○七年河南賊滋蔓。調湖廣土兵近河南者五千人征之。聽仇鉞節制。其秋北虜小王子近

邊謀寇天城陽和。又聞遣萬騎入淮安。命白玉為總兵。發京營軍以往。凡二萬人。旋又發宣府兵及營軍未傳者。共六千二百四十人。是役也。張永為西北總制。而監督者張忠。○嘉靖十三年大同兵亂。命以宣府兵並保定遼陽延綏諸將討之。○十六年虜寇大同。調遼東遊兵備之。已出邊遣回。而令此後非重警勿調。○二十五年虜吉囊子住牧河西。俺答阿不孩復引眾渡河。宣大總督翁萬達請兵。且謂客兵不足用。獨山東捨手可耳。本兵言往年戰黃土溝。去年陽和川亦客兵之力。若山東河南鄉兵原非民間常役。

皇明世法錄 卷四十二
所司暫催募以資保障。而所募過多，不無雜老弱，則不可不裁也。於是命選其精壯者，俟警赴援，省各三千人。其秋薊州告急，復請調山東河南兵及保定漢達官兵及京營軍挑選者。上命營兵卽行，山東兵亦可發，其餘留守紫荆關。且賊近宣府，不可不備。下樞臣議之，於是止調保定兵。已左給事中齊譽言：京師之兵，居重馭輕，不宜以小警輕出。

天子以爲然。○三十年，詔徵宣府兵衛京城。先是二十九年，虜俺喀由古北口入蹂躪近畿，久之乃去。於是大臣計調邊兵，精銳者別爲營，命將統之。歲番入居庸關，屯駐要害，防不測。天子亦以爲然。自是選鎮兵入衛，歲三千人。終嘉靖之世。

奏捷

文皇以前。總兵無專官。有事命將。事已卽歸。後因邊
竟多事。遂留鎮守。然或地方小警。調兵勦殺。非奉上
命者。卽有功。亦不稱捷。具數聞而已。承平之久。戰功
益少。而捷奏始多。國初乙巳。相國徐達師行湖湘。
所至歸附。全楚悉定。使聞已與常遇春討張士誠。克
秦州。虜其將嚴再興。夏思忠。張士俊等九十四人。卒
五千。馬一百六十餘匹。船四十餘艘。以所俘送建康。
高皇帝諭達乘勝進取。吳元年。破執士誠以歸。是歲。
信公達。鄂公遇春。率兵二十五萬。北取中原。明年。建

皇明世宗金 卷四十三
元洪武達奏所下山東州縣。凡獲卒三萬二千餘人。馬一萬六千餘匹。糧五十九萬七千餘石。鹽五萬三千七百餘引。布絹八萬七百餘匹。進取河南。已遂抵元都。元君遁。執其監國宗室淮王帖木兒不花及太尉中書左丞相慶童。僇之。獲諸王六人。玉印二。玉璽一。封其府庫圖籍寶物。又封故宮殿宮人妃主。令善視之。人民皆按堵。遂遣使獻表至京。臣與遇春等遂於八月二日。勒兵入其都城。奉宣德威。以安黔黎。盡收圖籍。而封府庫。列郡之謳歌。四集百年之汗染。一新。茲已耆定武功。大彰鴻烈。南雕題而北窮髮。東滄

海而西崑崙。合率土以尊親。興太平之禮樂。已諸將悉下山西諸郡。二年。進取開平。北逐元君數百里。俘其宗王平章。斬之。得士萬人。車萬兩。馬三千匹。牛五萬頭。已又克慶陽。斬張良臣。○三年春。信公達平章李文忠。征沙漠。大破廓擴帖木兒於川北。擒故元王公及平章等官一千八百六十五人。將較士卒八萬四千五百餘人。獲馬萬五千二百八十餘匹。橐駝驢騾雜畜稱是。擴廓僅以身免。文忠復進搗開平。獲元主嫡孫買的里八剌。及后妃宮人。暨諸王省院達官士卒。并獲宋元玉璽金寶一十五。宣和殿玉圖書一。

止獻俘

玉冊二。鎮圭大圭玉帶玉斧各一。其他駝馬牛畜無算。省臣楊憲等請獻俘于廟。寶冊令百官具服進。上曰。寶冊可貯之庫。毋庸進也。古雖有獻俘之禮。武王伐殷。當已不用。唐太宗以待王世充。若遇隋子孫。亦應不爾。元雖夷狄。然主中國者百年。生齒浩繁。家給人足。朕祖父亦預享其太平。雖禮有獻俘。所不忍也。可令仍其服以朝。畢。賜中國衣冠。就令謝。冬。達文忠等師還。車駕勞於龍江。遂率諸將士賀平沙漠。達表云。臣等師至定西之北。逼虜營而築壘。出峪口以陳兵。吐蕃袍罕。列障土崩。忙忽高昌。群酋面縛。文

賀平沙漠

定遠直薄 虜營

忠云。臣前茅度關。而興和之將即降。後騎出塞。而馳山之兵。旋斂。進開平。而乘破竹之勢。克應昌。而奮覆巢之威。王子后妃。兩宮貴人。悉獲。玉璽金冊。歷代重器。全收。皇風遠被。於遐荒。胡運竟終。於此日。頒詔天下。○十年。征西將軍鄧愈。討吐蕃部川藏。大破之。○十四年。南雄侯趙庸。討陽春蠻寇。平之。○征南將軍傅友德。副將軍藍玉。沐英。征雲南。破元梁王之兵。王走死。雲南平。明年。捷至京師。○二十一年。大將軍藍玉。副將軍唐勝。宗郭英。討北虜。時定遠侯王弼為先鋒。直薄虜營。眾遂降。虜主數十騎遁去。追獲其次子

以計平虜

妃子六十四人。故太子公主等五十九人。又追獲吳王代王及平章二千九百九十四人。軍士男女七萬七千餘口。得寶璽圖書牌面一百四十九。宣勅照會三千三百九十道。金印一。銀印三。馬四萬七千匹。駝四千八百四頭。牛羊一十萬二千四百五十二頭。車三千餘兩。聚虜兵甲焚之。奏聞。遂班師。○二十三年。故元乃兒不花咬住等。將為邊患。詔燕王晉王討之。命諸將悉受燕王節制。直抵虜帳。虜素聞王威名。皆降。王慰諭遣還。虜甚喜。過望。無遁意。將至營。復召以來。如是者三。於是悉收其部落。及馬駝牛羊。而還。遣

討麓川久而罔功

人報捷京師。○永樂五年。新城侯張輔等討平安南。群臣入賀。上御奉天門受之。○正統六年。定西伯。蔣貴。兵部尚書王驥討麓川。思倫發。先是思倫發侵擾緬甸。屢招撫之不從。征之復不利。至是始大用師焉。軍抵金齒斃其將刀放戛父子。前後斬獲五萬餘。遂平麓川捷聞。賜勅勞之。七年。班師。九年。以賊子思機發。據麓川為寇。復遣蔣貴王驥討之。擒其妻孥家屬九千餘人。復詔班師。然叛賊終不能正法。而西南騷然矣。○十四年。寧陽侯陳懋提督尚書金濂討閩賊鄧茂七。平之。斬獲萬餘人。○成化二年。征夷將

皇明世宗 卷四十二 三
軍趙輔贊理都御史韓雍破大藤峽蠻平其寨三百二十四斬首三千七百二級生擒七百八十二人獲賊屬男女二千七百一十八人改大藤峽爲斷藤峽尋又攻破五村大帽山黃沙吳洞等寨斬首四千四百三十八級生擒二百餘人獲賊屬男女二百七十餘人奪所掠男婦三千九百四十六人班師是歲也靖虜將軍朱永提督尚書白圭討荆襄賊擒劉千斤等二千五百七十餘人斬首二千五百五十餘級獲賊屬子女一萬二千六百餘人牛馬驢騾一萬一百八十有奇招撫脇從流民一萬八千五百三十餘人

一時用兵
首克任人
之効如此

如此獻俘
儘足吐氣

尋斬賊首二百三十四人獲賊屬三百六十七人已復擒石和尚劉長子等六百餘人賊平○三年左都御史李秉靖虜將軍趙輔征建州女直抵其境破之斬首六百有奇詔班師而兵部尚書程信襄城伯李瑾征四川都掌夷分六哨進兵四年克龍背豹尾等寨尋焚寨一千四百五十七處斬首三千一十七級生擒九百五十三人俘賊屬八百餘口上賜勅勞之是年石城寇滿四猖獗右副都御史項忠右都督劉玉進討誘四出戰擒之三日城潰斬首數千級擒千人以二百人獻俘夷石城險餘黨悉平○七年

皇明世宗法錄

卷四十二 兵制

三 奏捷

復業多于
擒獲此所
以爲善用
兵而猶有
指爲濫殺
者信乎其
難也

皇明世宗 卷四十二
平荆襄南陽等處流賊。項忠等以捷聞。凡諭遣復業
流民五十萬七千七百人。擒獲賊首二百八十六人。
斬叛者六百四十人。減死發戍并家屬三萬三百人。
奪獲器仗共二千三百五十。馬驢牛一千八百五十。
○八年。左都御史王越奏襲破西虜營於紅鹽池。擒
獲共三百五十五人。由是不敢復居河套。越雖頻年
玩寇。然能乘夜冒險。成此奇功。亦可尚也。○十五年。
太監汪直與朱永征遼東建州夷。右副都御史陳鉞
叅贊之。永破焚四百五十餘寨。斬首六百九十五級。
俘四百八十六人。以大捷聞。其明年。直復與太子太

保左都御史王越。保國公朱永。赴延綏征虜。越奏與
直襲賊於威寧海子。生擒男婦百七十一。斬首四百
三十七。得旗纛十二。馬一千八十五等。以大捷聞。是
年。直仍與越復往大同征虜。十七年。破賊於黑石崖。
生擒十人。斬首一百十二級。以大捷聞。○弘治十四
年。南京戶部尚書王軾討貴州賊。分八道以進。累戰
破之。獲賊首米魯。及其黨福佑。所下凡千餘寨。擒百
九十人。斬首四千八百餘級。俘男婦千餘。班師。末年。
平思恩土官岑濬之亂。凡前後斬首四千七百九十。
俘男女八百人。自進兵及班師。僅踰月。捷聞。下璽書

申報捷濫
賞之禁

勉勞總督潘蕃等。而大同提督御史史琳奏虜犯大同。諸路叅將陳雄等。敗之。斬首八十七級。生擒一人。陞其齎奏人職一級。先是御史戴德言。比來邊將稍有微勞。輒張大其事。以徼功賞。今宜嚴爲之禁。於是本兵具議。凡大將奉命出師。必虜衆至三五千。我軍一日似太過一路。捕斬五十人以上。始許奏捷音。奏者如例陞賞。其有掩殺以取勝。多七八十。少四五十。或數路并爲一路。數日并爲一日。俱與著令不合。宜勿許。奏者止賞勿陞。若所在寇發。守臣未及奏請。擒斬不滿二百級者。聽科道劾奏命。姑仍舊行。○正德五年。

寧夏寘鐸反。詔太監張永。與涇陽伯神英。總制右都御史楊一清。討之。而遊擊將軍仇鉞。襲執寘鐸。遂班師。○六年。太子少保刑部尚書左都御史洪鍾。副都御史林俊等。討四川大寇藍廷瑞。廖麻子。鄆本。怒。總制左都御史陳金。討東鄉等賊。而山東賊劉六。劉七。齊彥名等。猖獗。侍郎陸完。合惠安伯張偉。右都御史馬申。錫兵。討之。金奏破賊柵二百六十五。俘百五十餘人。斬首萬一千六百七十三級。尋又平桃源賊。斬首五千餘級。又破華林賊。斬首二千餘。其明年。四川宣慰彭世麟。誘執藍鄆二賊。已以討劉七等無功。徵

無功下獄

皇明世宗 卷四十二
言
偉申錫下獄。命右副都御史彭澤、咸寧伯仇鉞率邊兵討之。別黨楊虎、趙鏐悉平。劉轉入湖廣。平之於狼山。前後斬獲數萬人。廖麻子復熾。召鍾還。而澤總制軍務都督。時源為總兵。代之。明年擒廖麻子。其黨喻老人叛。而桃源華林賊復熾。命右副都御史俞諫代金。而劉暉代源總兵。擒大盜王重七等。金諫雖先後平賊有功。而所總狼兵殺掠子女剽財物無算。九年。喻老人平。○嘉靖七年。討雲南叛舍安銓、鳳朝文、雲南平。黔國公沐紹勛以聞。新建伯王守仁平斷藤峽諸寨。因奏用計招撫叛目盧蘇王受等。以夷攻夷。故

大將貪贖

所向克捷。而我軍僅湖廣掣還之兵八千人。深入三百餘里。俘斬三千餘賊。上命御史覈實。○九年。陝西洮岷等番族屢擁眾入犯。總制尚書王瓊集兵。破若籠板爾二族。焚其巢穴。凡斬首三百六十餘級。撫降七十餘族。○十六年。貴州凱口苗平。○十八年。廣西斷藤峽弩灘諸巢平。凡斬首一千三百五十五級。俘其眾四百五十餘人。撫猺獞二千九百有奇。○十九年。虜酋吉囊擁眾數萬。由延綏西路定邊營入寇。寧夏總兵任傑、副總兵陶希臯迎擊之。追奔出塞。斬獲甚眾。是役也。虜初至甚銳。諸將莫敢撓其鋒者。總

皇明世宗法錄

卷四十二

兵制

奏捷

總督知人
能以律

督尚書劉天和乃斬不用命指揮二人檄革任總兵
官周尚文用之激以忠義遂有黑水苑之戰既而三
鎮斬獲至四百四十餘級寇所鹵獲亦復死亡過半
上賜勅獎勞之○二十二年虜三萬騎犯延綏遊
擊張鵬力戰禦之虜引去總兵官吳瑛副總兵傅存
禮尾之在外東路叅將周尚文兵亦至因夾擊斬百
餘級而還巡撫都御史張聰等以捷聞時巡按陝西
御史殷學報虜警因言賊入內地且五百里而諸將
擁重兵不聞一戰請罷聰瑛等疏方入而捷至上
嘉守臣功謂學謬於是非調之外○二十六年平白

自此以後
漸荒唐不
可誌

草番蠻寇禽其首惡都御史張時徹以捷聞○二十
七年提督兩廣侍郎張岳總兵平江伯陳圭奏討廣
西賊倪中亮李金大破平之賊盤據諸巢三十餘載
岳調廣西土兵及兩廣漢達官軍兵七萬進剿而檄
湖廣會兵夾攻先后擒斬三千四百餘級○三十五
年提督軍務尚書趙文華侍郎胡宗憲等上平倭功
次請祭告如禮其後隆慶五年總兵李成梁大破遼
東虜於卓山捷聞所斬級五百八十有奇先是嘉靖
中。部。院。會。議。諸。邊。破。虜。功。繇。總。兵。次。則。巡。撫。原。與。御
史。無。與。推。功。報。捷。不。當。及。御。史。

皇明世宗 卷四十三
蕭皇帝從其議。令總兵官奏捷時具功罪狀。御史覈實上之。其督府與總兵許並奏。而按臣不許。已有陝西之捷。議擢職方郎王學益職。於是給事中任瀛言。邊塞官軍出力抗虜。而郎署臣不過奉行文書。循故事。奈何與披堅執銳之夫同議陞賞也。且昔宣大嘗告衄矣。豈聞與將領同其罰哉。於是申明總督撫按職掌。頒示諸邊。毋得更相比周。淆名實云。已而大同巡撫龍大有。總兵王陞。上禦虜功次。

肅皇帝怒曰。邇邊臣奏捷。往往歸功內閣本兵。詞多諂肆。茲且劄及兵科。甚無謂也。夫撫鎮官聽總管節制。紀功驗覈。而反加奏薦。非爲阿諛冀免耶。其欺明矣。所司卽叅劾以聞。

同幣殺良臣三。平章俞通源右丞梅思祖叅政陸聚都督副使顧時金一百五十幣殺政二。叅政陸仲亨幣十二。左丞王溥及衛指揮七千戶衛鎮撫六百戶所鎮撫五軍總旗者米三石。金三兩有奇。小旗米如之。軍米亦如之。金以次遞殺。已又錄征南功。御史大夫湯和金二百五十幣。十五雙。平章廖永忠都督吳禎幣加五金同。○三年大封功臣。賜李善長徐達綺帛各百疋。常茂馮勝八十疋。李文忠馮愈各六十。列侯湯和唐勝宗陸仲亨周德興顧時耿炳文費聚各四十。陳德郭子興華雲龍王志鄭遇春吳良吳禎各

三十。趙庸廖永忠俞通源都督金朝興平章李思齊叅政戴德曹興才各二十。加四侯華高楊璟二十。加二。康鐸朱亮祖傅友德胡廷美韓政黃柳曹良臣梅思祖陸聚汪興祖各二十。平章李伯昇一十有六。征進回還復征興元者。指揮二十有。四。千戶衛鎮撫二十。百戶所鎮撫十又六。征定西興元應昌者。指揮二十。千戶衛鎮撫十六。百戶所鎮撫十二。軍士金十錢。六千。四年有平蜀之賞。潁川侯傅友德德慶侯廖永忠金二百五十幣。二十雙。濟寧侯顧時而下各有差。軍較以所至遠近爲差。五年有征南之賞。侯周德興

皇明世法錄 卷四十二
趙庸綺帛雙凡十二。侯吳良雙十。指揮左君弼亦十。公鄧愈平章李伯昇八。侯楊璟黃柳六。都督王誠等各四。餘有差。十七年平雲南功。侯友德進封永昌侯。藍王安慶侯。仇成定遠侯。王弼許世襲。加祿五百。都督陳桓。胡海。郭英。張翼俱封侯。餘將士以次遞遷。總兵者賞織金及綵幣二十雙。鈔百錠。副者幣十八。鈔九十。公幣十六。鈔六十。侯幣十四。鈔五十。都督平章十二。鈔四十。指揮鈔百。織金及雜綺十疋。絹二十疋。千戶衛鎮撫鈔八十。織金及雜綺八。絹十六。百戶所鎮撫司仗鈔七十。織金雜綺七。絹十四。散騎舍人

鈔三十。病故官。見在傷殘。指揮千戶鈔幣有差。二十二年破北虜論功。大將藍玉金二千兩。鈔千錠。文綺五十疋。副將唐勝宗。郭英金千。鈔四百。綺三十。左叅將王弼。以先鋒金亦千。鈔八十錠。綺加十。叅將孫恪金五百。鈔錠三百。綺疋五十。都督徐司馬等六人。各金四百。鈔百。綺八。指揮使蕭綺等八人。金殺百。鈔百五十錠。綺六。指揮同知陳鏞等十人。金二百五十。鈔百四十。綺五指。揮僉事張敬等三十人。金二百。鈔百三十。綺四。千百戶鎮撫各有差。擢百戶池裕。指揮僉事。賞黃金兩百。金三百。綵幣六雙。鈔百錠。總旗施文

皇明世宗憲皇帝 卷四十三 三
等副千戶亦各賞黃金百金二百綵幣二雙鈔八十
則以獲元君金寶功也。國初無以黃金賞功者。黃金
之賞始此。三十五年。

文皇帝靖難起兵。定陞賞格。奇功者。領隊將較陞級
三。指揮金五十兩幣八雙鈔六百錠。千戶衛鎮撫儀
衛正副金三十五兩幣六鈔五百貫。百戶所鎮撫典
仗金殺其十幣殺二鈔殺一。總旗金十八絹三疋布
四疋棉絮五斤鈔三百貫。小旗金殺其三。餘同隨伍
指揮千百戶旗軍金八絹一布絮如之。鈔又殺五十。
次功者。領隊指揮賞與頭功千戶同。千戶衛鎮撫儀

衛正副與百戶同。百戶所鎮撫典仗金鈔俱與總旗
同。加幣二雙。總旗金殺頭功小旗之三。餘同小旗。金
殺頭功之半。餘同隨伍。指揮千百戶旗軍金又殺頭
功之半。鈔殺五十。餘亦同。尋大封功臣。加賞丘福朱
能金四百兩幣四十雙鈔四千貫。顧成張武陳圭鄭
亨孟善火真王忠王聰徐忠張信李遠郭毫李濬張
輔房勝孫巖譚忠王寧金三百五十幣三十鈔三千。
房寬徐理唐雲徐祥李濬趙燹陳旭金三百幣二十
鈔二千五百。劉才金二百五十幣十六鈔三千。張興
白金幣同。鈔殺其一。而曹公李景隆賞視丘福。兵尚

書茹瑄都督同知王佐僉事陳瑄視房寬儀正張成
金殺劉才之五十幣殺六鈔半之餘將較如格給之
已又定守城功賞第其歲月久近以北平永平保定
爲一例通州遵化爲一例隆慶密雲後衛爲一例自
都指揮至民丁賞各有差永樂之六年大賞征安南
功英公張輔金三百兩鈔千錠幣四十雙黔公沐晟
金鈔同幣殺其二各賜以冠服豐城侯李彬雲陽伯
陳旭加祿米石五百金二百鈔六百幣十五清遠侯
王友亦賜冠服金百五十鈔四百幣十安遠伯柳升
金殺王友十五之一鈔幣同右都督朱榮金殺升十

五之五幣殺二鈔半之贈建平伯高士文賞同柳升
都督呂毅黃中以失律不賞陣亡都督程達金四十
鈔百幣四佗有差上嘗問本兵以陞賞孰便夏原
吉曰賞費於一時陞費於後日後日之費較無窮也
三年復賞輔金各五百兩鈔二萬錠幣五十雙都督
同知朱廣僉事江浩功相等都指揮方政比朱廣等
功最多各賞金五十鈔三百錠幣五雙都指揮僉事
師祐獲賊首陳季擴賞金四十鈔二百幣四雙都指
揮僉事謝鳳而下各有差○宣德元年高煦平賜功
臣鈔公三千貫侯二千五百伯三之二都督三之一

都指揮之為百貫者五指揮四千戶鎮撫而下至較尉力士各以次減焉。○正統七年定西伯蔣貴兵部尚書王驥各進封侯伯副叅將劉聚宮聚冉保而下遞遷總餉侍郎徐晞僉都御史丁濬亦遷仍賜貴驥金各百兩幣十雙鈔萬貫聚保各金八十幣六鈔四千以平麓川叛寇功也雲南總兵官沐昂為右都督賜鈔貫五千金八十幣八以協贊之功且給饗不絕也九年復加貴驥歲祿三百石賜金百幣十雙鈔萬貫昂轉左少監蕭保為大監冉保右都督都督僉事毛清壽為同知各金三十幣八鈔五千以再征麓川

功也十四年有也先之難論京城功賞伯石亨進封于謙加少保是外陞官軍六萬六千有餘兵部言亨所列功次當先一萬九千八百八十人陞一級陣亡三千一百一十八人陞一級餘皆給賞又賞涿州紫荊關官軍萬一千九百三十五人居庸關有功官軍楊俊等一萬二千一百一十八人蓋自宣德以來重遷而薄賞一時帑藏即不至大空匱而所增祿秩其為後無窮之費則不啻十伯矣。○景帝初定殺虜功殺也先者賞黃金萬兩金五萬兩封公加太師殺伯顏帖木兒及喜寧者黃金千金二萬封侯尋宣府叅

皇明世宗 卷四十二
三
將楊俊等奏計擒喜寧。擢俊右都督，與總兵朱謙各賞黃金二十兩，金六十，紵幣三雙，總旗高蓋擢千戶，衣一襲。給事御史疏請賞如格。兵部議封俊侯，而以金散給其部衆，不許。加俊賞黃金二十，金三十，幣三。把總都指揮江桓陞都督僉事，賞金二十，幣同。奮勇軍人陞一級，賞金十幣，二餘五金，絹布各五疋。明年重覈禽喜寧功，都指揮僉事江福指揮孫奈等十二人，實執寧命，賞福金三十兩，紵幣三雙，奈等十一人，金十幣，殺其一。而指揮蔡璽等二百二十人，各金五兩，絹五疋。革前楊俊所冒功云。成化二年，平兩廣賊

功。趙輔加祿千二百石，韓雍擢副都御史，右都督和勇轉加歲俸百石，戶部右侍郎薛祿亦轉左，俸視正二品。御史汪霖、劉慶爲大理，左右寺丞舍人爲所鎮撫。生員爲都督府都事，陞賞者都指揮白金而下，凡萬六千六百五十八人。已有平荆襄賊功。朱永加祿二千石，白圭加太子少保，俸食從一品。都督同知喜信而下，各遞遷。而副都御史王恕轉左，其隨軍叅議王儉擢二級，右叅將都指揮僉事王信擢一級。御史孫珂本端加俸一級。將陞賞者凡八千餘人。四年，平建州功，鎮守中官黃順等歲加米二十四石，少監爲

太監丞爲少監其提督總兵文武大臣各加秩祿餘有差而御史咸得擢卿寺已又平四川山都蠻論功加中官劉恒歲米如黃順少監趙太監米半之武勳進封或伯而兵曹郎擢貳奉常戶曹郎出叅藩伯其錦衣衛帶俸官授都督僉事五年論石城功秦剛亦歲加米如順而劉玉爲左都督項忠爲右都御史佗文武臣俱遷秩或加俸將士陞者千七百二十人賞者七千一十三人七年平荆襄流民遷監丞韋貴爲爲左文武大臣遞遷之外將士陞賞者五十二人陞者七百九十四人賞者二千三百三十四人十五年

建州夷之捷汪直主兵歲加米三十六石韋郎亦十二石領兵監丞及諸將各遷一級功官擢憲職武官實授總餉郎爲太僕少卿諸僭餉者悉加俸凡將士陞賞者五十人陞者千八十九人賞者千五百四人已有威寧海子之捷直加歲米四十八石鎮守韋正十二石它遷擢大略視建州功將士陞者倍之賞者十倍之至十七年復有大同黑石崖之捷直更加歲米三百石領神鎗中官傅喜亦十二石諸文武遷職及將士陞賞者略與威寧同三功皆侯朱永爲總師陳鉞贊其一王越督其二鉞以功遷右都御史越封

威寧伯世襲已加太子太傅增祿四百石仍廕一子
錦衣百戶內官傅喜韋正廕如之永進封公已亦與
世襲一時爵賞猥疊庫藏爲虛而邊民橫被荼毒自
直敗稍稍寧息焉○正德五年寧夏之功封仇鉞咸
寧伯而張永加歲米四十八石賞金五百兩幣五十
雙後遂封兄富弟容爲泰安定安伯至大學士李東
陽非制加特進左柱國楊廷和加少傅太子太傅廕子尚
寶中書劉忠亦加少傅太子太保仍各賜金百幣四
梁儲以後至亦改殿大學士兵部尚書王敞太子少
保廕子錦衣尚書白越劉機田景賢劉璟俱太子少

保與敞及兵部侍郎陸完李浩各金三十兩幣四佗
侍郎副都通政大理俱與賞司禮太監溫祥賴義谷
清秦文范宣張欽祿歲米各十二石賞同內閣各廕
弟侄焉然張永之旋師也有奏誅劉瑾功六年錄平
藍賊功洪鍾加太子太保賞金五十兩幣四雙林俊
爲右都御史藍章爲右副都御史各三十幣二鎮守
四川太監韋興亦增祿米歲十二石金幣視俊有加
焉是年山東河南賊平鉞進封彭澤陸完俱太子少
保完爲左都澤右都一子世襲錦衣百戶而谷大用
陸闇各歲祿二十四石一侄錦衣千戶弟大亮永各

皇明世宗金 卷四十二
進伯兵尚書何鑑加太子太保。廕叙如澤。完侍郎李
浩石玠陞俸一級。錄子太學。李東陽楊廷和梁儲費
宏各加賞廕。英公張懋等咸與焉。其後復議併功陞
格諸權幸竄名邊將籍中不出戶閭。坐得首功有一
人一時數路。俱以功報者。併計累遷白衣。超授金紫。
自是官盈緹騎籍。蓋踰溢極矣。十六年討宸濠。賞格
領軍內臣將官及提督巡撫督兵擒斬者俱封侯。親
擒斬者擢五級。本官千總三級。把總二級。管隊一級。
督兵擒斬其主謀用事者一名陞一級。武臣至正一
品。文臣從一品而止。舊封伯者五名以上封侯。左都

賞格濫而
不行

督五名以上封伯。不及數者每一名支本色俸百二
十石。親擒斬者每名爲首陞三級。爲從陞二級。本管
千總每名陞二級。把總每名陞一級。管隊每名賞二
十金。二名以上加賞。四名以上遞陞二級。督兵擒斬
從賊一百名以上陞一級。四百名以上陞二級。隨伍
軍士擒斬三名陞一級。六名陞二級而止。二名者賞
十金。陣亡者陞實授一級。原無官職不願陞者賞十
五金。陣傷回故者陞署一級。不願陞者賞十金。俱世
襲。其後王守仁擒宸濠。爵以伯。世襲。伍文定陞右副
都御史。世襲正千戶。戴德孺陞三級。邢珣謝璉各二

級伍希濡一級而賞守仁金百兩幣四雙慰諭以行人賜宴南京光祿府部大臣侍宴則與前格迥不同也。○嘉靖十九年以敗虜功加劉天和太子太保予一子錦衣衛正千戶世襲周尚文等各陞賞閣臣夏言等各加官巡按陝西御史張光祖非制亦陞京職仍各賜金幣按臣之以邊功叙錄自此始二千二年以延綏破虜功楊守禮加太子少保張聽陞兵部右侍郎吳瑛陞署都督同知各賞金五十兩幣四雙張鵬陞二級賞金四十幣三蔣存禮周文各一級路迎金三十幣二餘郎中司道金半之二十七年論平廣西連

山賊功在兩廣者督兵入賀縣巢則沈儀俞則全入連山巢則朱憲章梁希孔餽餉則朱道瀾奚良輔閱功則沈宏黃光昇在湖廣者應援夾擊破鞍馬白石二巢則藩子正洪世文而希儀遂以爲例決策指揮爲諸將最與張岳陳圭俱首功御史蕭世延黃以誠黃如桂亦各後先協贊有功於是遷岳右都御史予圭一子錦衣衛百戶各賞金五十兩紵幣四雙希儀實授都督僉事賞金三十兩幣三雙世延以誠如桂憲章賞各有差已又加賞岳圭憲希孔等金幣三十五年平海寇徐海論功加趙文華少保予一子錦衣衛千戶陞

胡宗憲右都御史兼兵侍郎阮鶚右副都御史各賞金五十兩紵幣四雙總兵徐珏金幣次之尹秉衡唐玉王倫朱仁陞各二級俞大猷陞署都督僉事仍賞大學士嵩成公朱希忠等金幣有差四十二年虜薄都城久之解去論入援功江東加太子太保廕一子胡鎮郭琥各陞三級楊縉石玉李世倫各二級王孟夏等二十五人各一級姜應熊於祖職加二級馬芳劉漢與麻祿麻錦張承勛各一級與叅將劉國等各賞賚有差張守中任彬陞俸一級仍與袁正等俱給賞贈死事趙溱都督同知予一子正千戶世襲祠之

初上聞虜入怒甚夜東顧見火光謂當事臣欺因旋逮總督楊選等於獄由是諸臣日夕率三四報捷冀移上聽及是雖厚錄東等之功而本兵獨不與則神衷深遠矣其後隆慶元年以虜深入募有能力戰破敵者陞賞如是年故事於是本兵具議凡遇零寇斬首一顆者陞一級不欲陞者予五十金其鏖戰大敵捨斬一名顆者陞二級不欲陞者予百金所得虜財物盡與之懸格薊鎮他鎮不得比焉三年錄平閩廣巨寇功陞劉燾左都御史塗澤民熊桴各右副都御史俞大猷爲右都督李錫郭成署都督同知

仍賞兵尚書霍冀金幣侍郎曹邦輔曹亨半之職方郎孫應元金又次之四年行受俘賞加總督王崇古太子太保兵部尚書予一子錦衣衛正千戶世其職賞金五十兩蟒一襲

皇明世法錄卷四十二終

皇明世法錄卷四十三


史官 陳仁錫 評纂

兵制

京營重兵

高皇帝既奠鼎金陵簡天下武勇分布列衛定之籍而獨京畿詳凡衛四十又八其操練之法則於城內外設大小二場分教諸衛卒隸之大元帥府尋改大都督府已又分前後中左右軍府凡五曰五軍先是上以天下既定恐諸武臣懈弛而忘武備也則謂曰用兵之道當固其本本在內內欲實實者有備之謂

四十八衛
二教場
五軍



教練律

皇明世宗 卷四十三
也。又命中書省臣同大都督府等議。教練軍士律著。為令。其法。弓弩鎗三種。箭各十二。弓六。箭弩五。箭遠可到。近可中者為試中。鎗以進退習熟為試中。凡京衛各以五千人為率。內取千人所司。官領至上。前試驗。餘以此更。外衛所亦然。及格者官各以能受賞。否則罰。其後遼東軍士馬名廣。上言。居重馭輕之法。願外衛軍士缺者勿補。而漸收藩衛。移置京畿。上以其言可採。除為丞。

收藩衛實
京畿

七十二衛

文皇帝六年。廢吉士沈升。上書宜勅五軍諸衛。嚴部伍。利器械。以時訓練。上是之。已建都北京。增七十

五軍營

班軍始此

三千營

神機營

附五軍營

二衛之制。而先於八年征胡。分步騎軍為五。曰中軍。左掖。右掖。左哨。右哨。後又建立大營。是所謂五軍也。既旋師。則仍五軍營之名。營兼步馬隊。而調中都山東。河南。大寧。軍番。上京。師隸之。已又置三千營。營凡五司。司大駕。龍旗。寶纛。諸事。隊皆騎。已又得神鎗。火箭之法。置神機營。營有中軍。左右掖哨。如五軍。用肄習火器。隊皆步。各督以公侯伯。二曰提督。而諸分理官。曰坐營。曰坐司。是三大營也。是外又有千二圍子手。幼軍。舍人。殫忠効義之屬。悉附五軍營中。而都督府亦自名前後中左右五軍。治常行簿書而已。非特

命不與營務其在金陵者仍

高皇之舊已亦增置神機營與大小場同訓練而繫以南京大都京師約宿軍三十餘萬畿內二十餘萬盡邊兵不逾此而括各藩之兵不能當也洪熙元年章皇自南京入即位因以內外守備官及叅贊尚書理兵政是後特勅武臣一員統領而守備叅贊同閱焉宣德三年以陽武侯薛祿言飭治神機營部伍選畿衛卒補之後二歲又以成公朱勇言選京衛卒隸五軍訓練諭以應變不窮為奇兵法之外宜以暇觀書求古名將方畧明年命御史給事中錦衣衛覈諸

衛軍數以聞毋致影射明年御製兵部都督府官箴頒示百官

英宗三年蒐卒補五軍營之缺已復以勇言令行在錦衣等衛守陵守衛卒存其半其上直旗較隸錦衣督操餘悉歸三大營後十年討鄧茂七始命內臣曹吉祥王瑾監督神機火器曰監鎗而先是編修徐理言要使國兵足以制邊兵邊兵足以制夷狄也

文皇帝建都北京彈壓北虜每歲於秋盡遣將出塞燒荒今宜如其法分為三路一出宣府一出大同一出山海各遠三五百里儻遇虜出沒即乘機勦殺冬

暫設監鎗

如燒荒法

王振用事

團操

本兵于謙
得人

皇明世法錄 卷四十三 三

出春歸以爲常。庶京軍習見邊情。臨敵不懾。後王振用事。迨至土木之變。六軍悉陷。虜庭營政耗矣。景帝初。倚任于少保謙。而謙實柄兵。乃請立團操法。可使體統相維。兵將相識。帝深然之。已遂置團營。其法五十人爲隊。隊有長。兩隊百人。有領隊官。積二十隊千人。有把總官。積五千。人有都把總官。各量其才器受任。遇警率以行。於是合選三大營兵。凡十五萬。分十營。營置坐營都督一員。都指揮三員。把總都指揮十五員。指揮三十員。受隊官。每隊二員。卽於三營提督中推二人。充總兵。以

武清侯石亨等爲之監。以內臣劉永誠曹吉祥。而謙同調發其餘軍。仍歸本營。曰老營。衛京師。謙又言稽古陳法。莫過皇帝破蚩尤之陳。皇帝按井田作陳法。大將居中。主旗鼓。而八節旋繞。悉聽指麾。若北受敵。則東北西北二陳各出奇兵。張左右翼援之。南受敵。則東南西南二陳出奇兵。張左右翼援之。其東西及四隅受敵。亦如之。自古惟太公望孫武子韓信諸葛武侯李靖能明此法。其名曰天地風雷龍虎鳥蛇者。諸葛武侯也。武侯按洛書之數。名陳九數。居離。離南方朱鳥。曰鳥一。居坎。坎北方玄武。曰蛇三。居震。震東

方蒼龍曰龍七居兌兌西方白虎曰虎六西北位乾曰天二西南位坤曰地四東南位巽曰風八東北位艮山出雲曰雲而大將居中五則所以象太極也大陳之中有八陳而八小陳之中又各有八陳大法八卦小法六十四卦所謂陳間容陳隊間容隊今世多不知此法臣敢如法教演命以實行一時軍伍頓然改觀亡何

罷團營仍三營

復立團營

英宗復位而罷仍三營閱營軍二十三萬有奇定為頭撥次撥而時訓練焉其後八年而憲宗即位復立團營分為十二曰奮武耀武練武顯

武敢勇果勇効勇鼓勇立威伸威揚威振威是為十

二營營率萬人中各分五軍三千神機領馬隊火器

之屬而命侯十二人於營團操各以都指揮佐之諸

內臣監之而劉永誠與會昌侯繼宗提督之餘軍歸

老營已給事中秦宗言京師天下之本宜並用文武

以相協贊今南都有叅贊尚書各邊同理軍務有都

御史而京營獨委武臣非所以慎謀猷重根本也時

議者謂正統己巳多事之秋嘗以命前少保謙今未

敢專決事遂已成化初以營務轉弛命罷歸三營而

勅司禮懷恩同尚書馬昂閱奏已列上一等官軍凡

兼用文臣
朱畢

是時一等
猶有十四

萬三千
文武大臣

共督

益京省精

卒

營兵征滿

四

十四萬三千有奇。遂仍分十二營如舊。而命文武大臣各一人共督焉。後又益以畿衛及山東河南江西精卒。春秋番上團操。共二十五萬人。盛矣。三歲而有滿四之亂。征之。命都督劉玉率顯武耀武二營往。玉請於別營抽選。不許。後五歲。坐營官侯琬請於十二營各選兵二千。備征調。不許。必全營以行。而南京大小場軍亦令所司月行訓練。惟風雨則免。故事。南京軍常操不息。間逃亡。至是。御史任英請令更番如京營。不許。明年。御史王瓚又以爲請。下叅贊諸臣議之。又明年。命南京給事中。時至大小二場點閱。如京營

南京給事
閱營

立殫忠効
義營

之制。後五年。復勅懷恩及尚書余子俊於京營閱視。其明年。又立殫忠効義二營。以練習京衛舍人餘丁云。

憲皇於營務。蓋無歲不厝意焉。然歲以缺伍。聞弘治初。軍伍益缺。率勢家役占。間放班收值錢。

孝皇奮然勅究其弊。令所司以聞。有司徒鉤撫微細數事。用塞責而已。是以數年。而營伍未實。其後本兵馬文升上言。

太祖以武功定天下。凡私用一軍一馬。必嚴加罰。卽有興造。竟不勞軍。

本兵馬文
升得人

無役軍丁

覈錦衣騰

驥諸衛

歸所在卒

團操

本兵劉大

復得人

不聽非語

番上禁旅

文皇帝遷都北平武備尤重宣德以來漸至耗廢馴至正統民不知兵是以有土木之敗今北虜桀驁此後興造毋役軍丁後四歲彗警復以府部言籍清營伍其錦衣騰驥諸衛悉聽覈而給事中御史時糾察焉久之上廼令畿輔卒歸所在團操為京師掖本兵劉大夏曰甚善祖宗意固如此今保定獨設都司統五衛可見也諸璫為非語宮門賄誣大夏上哂曰宮門非外人可入必若屬為之卒行其策於是十二營外畿郡山東河南江北兵各番上而禁旅強是時大夏柄兵諸占

清占減役

劉健救大

夏

併二營

李夢陽言

京營

僅得十二萬

役頓減已復奏減修乾清宮軍十之五○宰○相○之○言○王璫以不恤大工為言激怒上大學士劉健曰愛惜軍夫司馬職也司馬議固當上欣然納之具如奏後又以御史劉淮言殫忠効義二營設二十年不一試糜費無益令選入團營餘罷之末年有詔求言而主事李夢陽上疏極論兵之害曰夫所謂兵害者何也臣以為冗食而無補空名而鮮實也夫強本者所以弱枝也今在京之兵以衛計之七十有餘分為五軍蓋帶甲控弦者數十萬焉意固欲以強本也然至正統已已纔數十年耳拔之乃僅得十二萬焉亦寡矣於是有

不滿三萬

十二團營之名。團營至今。又數十年耳。日者遣將北伐。拔之不滿三萬焉。然其腰鞬弓刀不全也。騎士則牽露骨馬。又旋置鞍轡等。夫兵數不減於前。而狼狽若此。何也。官不恤其軍。豪勢多占。使遠者逃。近者潛。職者不以報。糧籍不開。除又壯丁各營其身。老弱出而應點。宜其食之者增。而用之者寡也。騰驤四衛。非所謂內兵耶。外官既不與稽其數。征役又不選用其丁。故其人率豪富而氣驕。夫內官者。陰狡而狼貪者也。以豪富氣驕之人。而率之以狼貪陰狡之徒。害可忍言哉。且夫錦衣衛。爪牙之司也。今內官之家人子。

言四衛富驕

言錦衣內兵

分銳卒與精弱

第官之團營。兵之精也。內官參之。內兵又專掌之。武宗即位。閱上十二營之數。銳卒僅六萬五百餘人。而稍弱者二萬五千餘人。已給事中葛嵩請選三千五軍營精銳。歸團操。而存八百餘人於營。共役時惠安伯偉謬引舊制以爭。事遂格。隱占如故。其明年。閱選錦衣衛。而掌衛事趙鑑。以役繁乞免操。從之。大抵諸衛率因一事。役占數百十人。歲役不過數日。而坐耗衣糧無算。後四年。寘鐸反。發營軍征之。命張永總諸軍。特造關防。以給文明年。因幸將言。兌調京營宣府軍。各三千。令永往操習。本兵言如此。則更代紛擾。

營軍征寘鐸

兌調

四家軍

西官廳操練

童將權

糧費必繁且無故而常勤數千之兵亦示人以弱太
學士李東陽亦言其不便十不聽其後四鎮突騎數
萬人團操大內號四家軍市里畏焉是時戎政大壞
南都尤甚給事中史魯請令臺省臣得同守備官閱
選量行其賞罰而汰守備役使軍伴之數格不行九
年選團營及勇士四衛諸軍於西官廳操練末年改
為威武營上自為大將軍將之

肅皇帝嗣位首革武臣之濫廼以委武定侯勛勛受
命即奏乞重將權凡臨敵逗遛及諸請張者許專殺
本兵議以為是且竊權不可許已給事臣言近五府

參用流官

三營多用侯伯以國家綱紀之地坐擁參養之徒而
流官擢用者十無一二夫流官起自草茅用才諳致
身且心小恩之易感威之易行而彼侯伯世臣視為
固然又自以

先皇舊勳往往獲恩于紀而無所畏此

祖宗於兵政所以重與其人而不專授侯伯也明年
諸大臣各條上兵食事楊一清曰臣觀營軍自團十
二營以來因陋就敝垂四十年戎政日壞士卒殷實
者出錢包班僅名在耳而貧困零丁衣裳藍縷奄奄
一息僅有其形平居且不能自存一旦有急安望其

通各營挑選

執銳披堅為國家捍百戰未挫之虜哉比緣邊警發一二萬兵以行業已通各營挑選欲再擇一二萬須後則團營無異老家不能復其數矣今按軍營月餼以石計之凡八萬一千五百有餘歲支九十七萬八千餘石而課兵不及二三萬人其統兵官俱臨期選調將不知兵兵不知將每一出帥遷延歲月苟以趨裝為解甚者將至關而士卒留都市是養兵不堪用而百姓膏脂徒填谿壑也乞勅所司申教練之法溥優恤之恩嚴役占之條禁侵削之害用以壯國元氣而衛民生幸甚其後又有西郊九廟及諸宮殿

僱役

三萬聽征

工作之役本兵以役軍多請分番為二半團操半放歸衛而收其月廩僱役詔行一年自此後十載大學士嚴嵩用事虜警益急團營見兵少乃僅選三萬騎聽征號東西二官廳而所餘者非老弱則悉隸元帥中貴私人矣其後九年虜大入營軍歿者萬餘既闔門兵不足蔽睥睨乃謀募兵近畿別立義勇營於是侍郎王邦瑞極言其弊曰今國家之所患惟虜所最患者唯士卒不振臣以為二患者非深患也所深患者則在中貴人典兵夫今團營即漢之北軍唐之府兵宋之禁旅所以衛京師備不虞至重矣其令勲臣

王邦瑞言營弊

掌之者謂其明武略。令文臣共之者謂其督怠弛。令中貴人監之者謂其防壅蔽。總之以厲兵振威焉。乃者胡馬來。臣調營兵出擊。而十二營半空。見卒罷。不任旗鼓。夫卒罷屬文武二臣。舉不得解矣。至空無人者。則乃中貴人爲之外語。藉藉成以爲有輪錢脫更之弊。是本用監軍。反用蠹軍矣。請罷中貴人。勿使更濫戎機。中貴人既罷。則什伍充實。卽於什中選伍。於伍中選一。豐其饋饗。時其練習。卽可得精卒。以精卒當狂虜。何患哉。臣又觀在營諸將。徒善爲容。難以效實。臣欲調諸邊名將。久處行間者。營各置數人。而罷

罷內臣選
名將

其善爲容者。則李廣在軍。而舞車之徒出。王翦開壁。而超距之卒奮。所以懾外夷。安中國。計無急於此。願降咫尺之詔。定萬世規。臣不勝大願。詔勒太監高忠等歸內。而聽總兵朱希忠。陳鏢解任焉。遂更定營制。告于

用仇鸞

戎政始有
府印

太廟。仍爲三大營。易三千爲神樞營。設大將一人。曰總督戎政官。以咸寧侯仇鸞爲之。特鑄戎政之印。先是五軍府開府給印。而不與營操。營操官不給印。戎政之有府與印。自鸞始。而專設協理侍郎一人。五軍營副將二人。叅將四人。遊擊將軍四人。神機神樞各

副將二人。佐擊將軍六人。尋增能戰之將。曰練勇。叅將六人。而樞機二營。革副將一人。合三營。正兵十二萬人。備兵十四萬六千六百人。其十二營兩廳及司哨掖等名。俱報罷。仇鸞 威寧時以大同帥入援。恃寵竊權。動事奏請。既得請。令邊軍入防內。已又請增設先鋒將員。又請以京軍與邊卒雜而征戍。曰是可轉弱為強也。然聽若洋洋耳。而實無當於用。先是巡視官。有給事中御史二人。復佐以兵部司屬四人。時申。遂佐巡視。心疾之。疏言。臣叨耳目之司。竊見營政更始。事須詳慮。不當責効於旦夕。決計於一人。上以

華巡視部

示咸寧。下。遂拷掠。因革巡視部官。而自邊卒入後外。鎮益弱。營將統兵在外者。又橫甚。邊人苦焉。初。上銳意強兵。屢有興罷。既已定營制。又於內教場團操。內使置內。甯營。間三歲。復於南京。置振武營。簡諸營。銳卒克之。益淮揚。趨捷者。用防海警。從叅贊尚書張鰲議也。而江北舊有池河營兵。專城守。護陵寢二營。各三千人。咸領以都督勲臣。別設塲訓諫。其後邦瑞再起協理。具言京營自。皇上更制以來。七八年間。營伍已多廢缺。舊額正備兵。凡二十六萬六千六百六十人。今見兵纔十二萬人。而外衛班操者。十六萬

皇明世法金 卷四十三
人今至者不滿二萬人乞以時選補間歲而振武營
兵變營兵多無賴子弟黃懋官為督儲侍郎每事抑
削之舊月糧一石無妻者減十之四春秋二仲月石
給銀五鐶尚書馬坤奏減其一鐶懋官復請停補役
軍丁妻餼眾遂不堪屬歲稔米石值八鐶諸兵爭求
復原額懋官未許而給餼遲旬日未發諸兵益怨遂
以赴操日鼓噪窘懋官乘其什地撲殺之屍諸市脅
張鰲求賞會誠意伯劉世延趨至諭之稍定兵部侍
郎李遂揚言曰黃侍郎自跌歿遂親見之諸軍第不
當殘辱之耳法不當稱叛麾亂軍退眾因求賞遂叱

曰今得復妻糧月糧足也烏云賞乎乃士給一金抵
前減拆數眾始散事聞詔捕治首惡餘勿問眾猶不
自安謀叛入海遂與鰲計使稱疾臥閣而諸軍人給
一安家票撫之密召營將華恩張勳入臥內受計刺
訶得周山等二十五人掩捕下獄上令法司詳讞
至再獄具上猶謂所獲未必皆渠魁命從輕比僅坐
首事三人未獲者悉宥之當事諸臣黜降有差乃以
戶部尚書江東代鰲東於事多所寬假眾益驕無復
紀法給事中魏元吉以為言請令營兵分隸各衛差
操以散兇黨而舉蘇松副總兵劉顯提督之未幾而

池河兵再變

皇明世法錄 卷四十三
池河兵再變矣。池河在江以北。故飛熊英武廣武三衛。及孝陵餘丁充之。春秋分番操守。計在營四月。月給糧三斗。已復人副一丁。相沿二十載。千戶英欽請革之。軍怒。羣粹毆欽。江東許復之。乃定。尋捕九人。寘於理。乃以李遂代東。賜勅得便宜行事。詔劉顯亟往提督。許以川兵五百人自隨。使相彈壓焉。而本兵楊博亦以邊警。謂營軍驕脆。不可用。議摘萬餘番戍邊。用更涉勞苦。上懲鸞前事。罷不行。

罷振武營

穆皇之初。欲有所樹置。賴輔臣徐階言。得寢。其秋。以本兵某議罷振武營。本兵言。今兩京兵制在北。則戎

罷還諸營

政府。素不練習。徒蓄不捕之貓。在南。則振武營。桀驁殊甚。至養貽患之虎。此所謂舛也。失今不治。為患將深。宜及時飭情防奸。毋復姑息。遂罷還諸營。卒千餘。仍隸之大小二場。及神機營。即闕勿補。其諸將家丁。及前檄至淮揚兵。悉遣之。一時悍卒散盡。留都安焉。

趙貞吉請更京營制

又三年。而大學士趙貞吉請更京營之制。疏曰。我朝內外兵。分隸五府。為慮至深遠也。永樂時。因聚府兵北伐。旋師後。遂結營團操。然而名營五軍。實存舊制。至正統而變為營者十。成化而增者十二。正德而折為東西者兩。然舊營中。猶具老家軍之籍。則五營之

號未泯。而五府之意還存。夫我太祖分府設將。權任均。而得將將之法。我成祖分營統兵。分數明。而得將兵之法。至嘉靖庚戌。嚴嵩議五府之外。特設戎政府。括內外兵籍鑄印。而授之仇鸞。於是祖制盡壞。卽今未能盡復。皇皇之制。而分營之法。猶可遵行。莫若於見操官軍。分爲左右中前後五營。營各統以一將。覈以文臣。收戎政府印於內府。有事佩印以出。事畢內上。將歸營中。如是。則太阿之勢轉。輦轂之兵強。其於國計甚便。詔下。廷臣議多謂其非便者。而給事中趙廉魏體明。

收戎政府印

御史尚德恒言尤悉。於是尚書霍冀乃疏言。世宗

皇帝更定京營。用復祖制。告于太廟而行。往仇鸞

之誅。乃將之無良。非法不善也。夫營分三大。中又折

爲三十。是固未嘗不分。適合皇上所謂分營練操

者。臣以爲營制莫若仍舊便。至謂大將不當專設。戎

政不當有印。此實防微杜漸之意。宜如貞吉言。制

曰可。於是三大營各設總兵一人。副將二人。而共以

協理一人。其叅佐官互有增革。各均爲十人。而五軍

營兵均配二營。營十枝。屬二副將分統。遂以恭順侯

繼爵與流官袁正焦澤充總兵官。已繼爵自以世勳

三大營各
設總兵一
人

命悉用侯伯
用三文臣
同稱提督

恥與正等伍。乃命悉用侯伯。尋改總兵。曰提督。月輪祭神旗。而用三文臣。同稱提督云。自設六提督之後。人持意見。擇便宜。旬日不決。於是給事中溫純上言。今京營之弊。失在不擇將。而添將不增軍。而增官。不講訓練。而講營制。陛下奈何以一輔臣故。而用三大將。以一勲臣故。而用三侯伯。又以三侯伯故。而用三文臣哉。夫此六人。即盡才且賢。猶懼十羊九牧之患。况一分兵馬。輒起異心。莫若復

先帝制便。其副叅遊等分統。仍從近日言。而更望移此管制之議。求選將練兵之策。廼罷六提督。設總督協理二臣。給印如故。今遵之。

設總督協理二臣

國初有御馬監。勇士旗軍。以處迤北。逃回人民共養
 馬之役。器械衣甲必異他軍。後多以進馬者投充而
 聽御馬監官提督焉。名則隸於羽林。然而身不隸也。
 其後稍益滋弊。往往名相冒。每支餼糧。不可辨識。宣
 德六年。乃專設羽林三千戶所統之。凡三千一百餘
 人。間歲遂改曰武驤騰驤衛。衛各有左右別管。開操
 設坐營。指揮四員。俱於四衛官推選。而仍督以中貴
 人。號禁兵。成化中。令兵部臣覈其數。無得濫糧食。卽
 絕例不清勾。有戶丁告補者。必審實而後得收役。具

四衛營

國初有御馬監。勇士旗軍。以處迤北。逃回人民共養
 馬之役。器械衣甲必異他軍。後多以進馬者投充而
 聽御馬監官提督焉。名則隸於羽林。然而身不隸也。
 其後稍益滋弊。往往名相冒。每支餼糧。不可辨識。宣
 德六年。乃專設羽林三千戶所統之。凡三千一百餘
 人。間歲遂改曰武驤騰驤衛。衛各有左右別管。開操
 設坐營。指揮四員。俱於四衛官推選。而仍督以中貴
 人。號禁兵。成化中。令兵部臣覈其數。無得濫糧食。卽
 絕例不清勾。有戶丁告補者。必審實而後得收役。具

改武驤騰驤衛
督以中貴人

本兵清冒濫

為令。弘治末年。廷臣言四衛軍。詭冒者衆。宜遣給事中御史兵部司屬官覈實。既而御馬監列上以請。本兵奏勇士見數萬有一千七百八十。軍人三萬一百七十。歲食廩粟五十萬之多。然無益于用。請如前覈議從之。於是冒濫頓清。間歲而

武宗即位。中官甯瑾言四衛勇士旗軍。祖宗設立。以備宿衛扈從。名曰養馬。實為防奸禦侮。乞留供役。臺省臣爭以為不可許。下本兵議。於是尚書劉大夏疏曰。臣觀四衛軍士。多四方逋逃。冒克禁兵。耗費國用。

中官乞留供役

先帝特命稽覈歲省金錢數十餘萬。百年宿衛。一旦廓清。今德音猶昨。變亂

先帝之詒謀。大傷國體。大不恪。不聽。十六年

世宗嗣位。詔四衛勇士。自弘治十八年存額之外。悉

從裁革。越五載。中官復以為言。且請如團營例。選四

衛餘丁補額。於是本兵言。自弘治十八年。清稽以後。

勇士存者數多。使人皆在直。供役有餘。而無奈主者

脫賣何耳。當武廟時。京師豪富。率用賄投充。規免

征徭糜費。以數百萬計。幸皇上中興。痛革斯弊。曾

幾何時。而復自啓之。且抽選壯丁。百年來無此故事。

中官復請如團營例

本兵請考
選論覈

况監軍直役最簡。比之團營勞逸緩急。萬有不侔。設若比例抽選。則豪富聞風競起。往年冒濫之弊。將復成于今。無補公家萬一。而徒爲太倉之蠹。臣愚未見爲可。不聽。其後二年。本兵李承勛言。請考選論覈。隸本部。如旗手等衛從之。而中貴人且云。往彰義門破虜。及東市勦賊。皆四衛功。以直內。故號召易集也。不當隸兵部。承勛言。彰義門之戰。繇太監王振東市之賊。卽曹吉祥也。命如本兵議行。已計臣亦以四衛軍半罷弱。且脫閒者衆。而糜費衣糧。疏言國家軍政推選。繇兵部。而四衛獨不繇。諸營操練。俱聽給事中御

承勛直言
不隸本兵

勇士故額

史點閱。而四衛獨不聽。宜弊實之日滋也。臣以爲今後有補役。宜行兵部審覈。而後收糧。其諸考選點閱之政。一同他衛從之。十六年。詔前登極。詔書裁革軍人。通與收復。本兵言是閱歲久。中多詭冒。可止收二千。命收四千。以衛士之請。且大工闕人也。後五年。御馬監內臣言。勇士多逃亡。僅存五千五十。頃聞邊警。請以子侄選充。本兵言。勇士故額。皇上原定爲五千三百三十人。八年。清稽已浮其數。意固以備逃亡也。卽如所云。亦僅闕三百餘人耳。茲營原非爲備邊設。安得藉口以行其私。上從。部言。仍詔自今選補

一如舊制。

[Faint bleed-through text from the reverse side of the page, including characters like '置錦衣衛', '凡十司', and '高皇初置']

侍衛上直官軍

置錦衣衛
凡十司

置勳衛散
騎舍人
帶刀官

增設紅盔
將軍明甲
將軍等以
備宿衛

高皇初置錦衣衛。掌大駕鹵簿。凡十司。曰鸞輿、擎蓋、扇手、旌節、幡幢、班劍、斧鉞、戈戟、弓矢、馴馬之屬。隸以較尉力士。而復有將軍。將軍必選有膂力及體貌雄偉者充之。其尤者曰大漢將軍云。已又擇公侯伯都督指揮之嫡次子。置勳衛散騎舍人。而府軍及旗手等。共十二衛。各有帶刀官。永樂中置五軍三千營。於是復增設紅盔將軍。明甲將軍。及叉刀圍子手之屬。俱以備宿衛。掌領率公侯伯駙馬等官。官六員。此其大較也。而位次陳列。以至衣甲器仗之詳。各盡其制。

大朝會用
全直

皇明世法金 卷四十三
凡大朝會。及大祀。誓戒冊封。遣祭。傳制。用全直。直三千某人。餘則更番。大朝會者。聖節。正旦。冬至。是也。是日。掌侍衛官二員。鳳翅盔。鎖子甲。懸金牌。佩繡春刀。殿內東西立。勳衛次之。少後錦衣衛。正直指揮一員。侍殿內。簾右。千戶六員。朝服侍殿外之右。簷捲簾百戶二員。捲畢。出同千戶立。傳鳴鞭百戶四員。立殿門外。及丹陛上下中極殿。導駕。錦衣衛將軍。執金瓜者十人。蓋頂門執瓜者八人。其御座左右錦衣衛將軍。執金瓜者六十二人。執大刀者二十人。神樞營執金瓜者十人。弓矢佩刀者十人。簾下大漢將軍。執

大瓜斧者四人。立殿門將軍。其錦衣衛十六人。執金瓜。其神樞二十人。懸弓矢。繖下錦衣衛六人。扇頭二人。殿角及柱各二人。俱執金瓜。丹陛將軍。共六十人。錦衣衛者。執金瓜二十人。神樞營者。執大刀四十人。上下纏腰將軍。三十四人。錦衣衛者。執金瓜四人。神樞營者。執鵝頭刀三十人。上下踏凳將軍。三十二人。錦衣衛者。執鐵瓜。神樞營者。弓矢各十六人。東西戟廊將軍。錦衣衛神樞各八人。共十六人。中左中右門如之。錦衣衛者。執金瓜。神樞營者。弓矢丹墀左右。共一千九百七人。錦衣衛懸弓矢者八百五十四人。其

執金瓜者百人。執開銷大刀者十四人。神樞營執金瓜及大黑刀者五百五十八人。而執出鞘紅刀者三百五十一人。其周圍五軍營官軍執义刀金鎗作四隊。凡二百人。其周圍五軍營官軍執义刀金鎗作四十四隊。凡二千人。皇極門將軍執金瓜者。錦衣衛十六人。神樞營四人。弘政宣治門。錦衣衛者。執金瓜十六人。神樞營者。弓矢佩刀八人。金水橋。弓矢佩腰刀者。錦衣衛神樞各八人。左右品牌執金瓜者。神樞將軍四人。會極歸極二門。弓矢腰刀者。錦衣將軍各四人。而東西城路。錦衣將軍亦弓矢腰刀者各二人。較尉

常朝稍殊

駕出護齋宮

御經筵大漢將軍

分文華殿

夜司更百人

掌錦衣衛將軍及义刀手日侍

職鳴鞭及擎扇蓋儀仗者。列午門內外。其餘執鐵狼牙列御道西。共若干人。常朝則列之。而所執器仗。以至衣服位列。亦稍稍殊焉。凡郊祀諸禮駕出。錦衣千百戶官三十六人。擎爐香前行。諸侍衛將軍。各扈從至。則護齋宮。及諸守衛之役。其御經筵則大漢將軍。分文華殿東西侍。凡二十人。居常。則當直將軍。朝夕分候於午門之外。夜則司更共百人。而五軍义刀官軍。悉於皇城直宿。大都掌領侍衛官輪直。日更一員。惟掌錦衣衛將軍。及义刀手者。每日侍。而尤嚴收捕之令。及諸脫更離直者。宣德四年。有將軍未經部奏

請擅帶刀入直。上曰。將軍侍朕左右。所關最切。昔唐長孫無忌入閣。忘解佩刀。以勲親乃免。今若輩何人。輒擅帶刀入侍。其令都察院。同錦衣衛。推問主者。以聞。必罪無赦。正統中。御史言。上直將軍。多有夜攜金牌外宿。因而私糾盜賊。混入朝門。為害不細。宜令所司嚴為點閱。從之。後復定侍衛將軍。五年一選。嘉靖中。給事臣言。頃選用將軍。限三月至。而山東西陝西河南。俱遠不及。應詔。今請紓其期。俟諸路畢集。而後閱選。庶人才及格。詔可。已復令府軍前衛侍衛等官。亦五年一選。如將軍。

侍衛五年一選

皇城守衛

高皇帝在軍中。即命選富民子弟充宿衛。曰禦中軍。已乃置都鎮撫。司隸都督府。總禁旅巡徼。而金吾前後羽林虎賁左右府軍左右前後等十衛。輒番上十衛者。號親軍。凡有請。得自行部。不關督府。後復改都鎮撫為留守衛。增設中前後左右凡五。法亦漸密焉。洪武初。命守衛都督官。日輪一員。領符牌。於內直宿。且覈諸衛士。士率三日一更。又定門禁法。凡內臣出入。悉令合符。其有以兵器雜藥至門者。論如律。失察者罪同。每駕出。則用御史一員察視。六年。更造守衛

十衛號親軍

改都鎮撫為留守衛

用御史一員察視

革都督改
命侯伯僉
書

金牌。凡隨駕應直宿衛官。及將軍俱佩之。十三年。因更定五軍都督府。革都督。改命侯伯僉書焉。後又以金吾衛等言。增禁門較卒。至二十七年。諭兵部臣曰。自古君天下者。立兵衛。任將帥。申明要束。以嚴守圉。而皇城四門尤重。邇將佐怠於鈐轄。致有離析。隊伍覓代它人。不則操之過嚴。使不得休息。夫人竟旬日勞苦。暴露於外。至不能有父母妻子。而責令奉公無過。何其核而不情也。豈爲上御下之道哉。今朕親著爲令。諸有事關不得已者。許上聞。放歸。事已復直。其無事而爲欺謾者。法其當直而離次。或僱代者。法爾

復申皇城
禁

四衛軍相
參宿直

命選他衛
軍守端直
諸門

諸將其如法奉行。已復申皇城之禁。每朝參。則當直都督將軍先入。帶刀官及散騎舍人繼入。然後文武群臣以次入。朝退。諸衛士始更直。凡更必以辰。益嚴守圉焉。而諸出入內臣銅符守衛官。不加比驗者。悉治以法。永樂中。因尚書方賓言。守衛軍不足。命調羽林濟川濟陽燕山四衛軍。相參宿直云。已又改造衛士縣牌。以銅爲之。洪熙初。諸親軍缺伍。衛士多不得代。經月不歸。上憫之。命選佗衛軍。守端直諸門。俟親軍補伍如舊。尚書李慶言。舊制無佗軍守衛者。禁直嚴。不可不慮。上笑曰。人主在布德施惠。以屬衆

皇明世法金 卷四十三
心。心不相屬。卽素所親幸之人。亦轉盼爲讐。古人云。舟中敵國可鑒。誠得其心。又何患焉。慶不能對。宣德元年。漢庶人反。以公侯伯分守皇城。又二年。令侍御史一員。職巡視。明年。遣給事中。往山東。選調帶操親軍。備宿衛。論部臣曰。用人須無失所。然後可責之効力。今爲諸士豫定其次舍。俾至卽獲安也。又明年。新建伯李玉言。衛士多羸弱。請簡精銳以充。上可其請。命於五衛軍選補。凡一千三百餘人。正統初。給事

中言。

皇祖著令。機事許諸司入奏。餘悉繇通政鴻臚以聞。

復增給事
中一員

制也。前已經揭示。比尋常建白。動入內府。得旨。自送科。似此。何以防範奸僞。乞下所司。申飭其禁。命議行。四年。御史言。守衛官軍。當於未明時應直。以待辨色入朝。邇禁圍不嚴。宜令御史一人。或二人。點閱。天順中。復增給事中一員。至弘治元年。兵部郎中陸容疏。請重禁兵。謂國家上直。用衛士操備。有營軍。卽古南北軍遺制。今營兵頗覺偏重。而宿衛之兵。顧若贅旒。然宜以時蒐補。練習。用戒不虞。先是。諸衛士下直。則於京營團操。月三日。而錦衣衛將軍。自爲一營。如例訓練。至是。稍耗廢。故容奏及之。其後又十載。尚書馬

文升上疏曰。臣觀歷代制兵。不使權歸一人。漢制有南北軍。南軍護皇宮禁衛之兵也。北軍護京師征討之兵也。各有所掌。而南軍尤托之心腹。其防奸之意嚴且密矣。我

太祖置十六衛親軍

又皇帝復設親軍十二衛

太祖置十六衛親軍。指揮使司不隸五府。為禁兵。其餘屬五府。為征討之兵。即漢兩軍相表裏之意。暨文皇帝復設親軍十二衛。已又增置勇士。常數千餘員。屬御馬監上直。而以腹心臣領之。成化以來。乃漸廢弛。勇士與諸營無異。此外雖有將軍圍子手。不過於早朝侍立。朝退即歸。皇城之內。兵衛無幾。諸監門

留守衛日輪指揮五員

兵部司屬郎中及主事各一員

卒。尤疲羸。至不任受甲。宜勅御馬監官。即見軍選汰。而委老成之將。責以練操。更番上直。仍勅守衛官。當嚴部伍。譏察諸出入者。上然之。正德初。復令留守衛。日輪指揮五員。督內外夜巡軍。而兵部司屬郎中及主事各一員。同御史錦衣帥稽閱。毋攝他務。其後十四年。親征寧庶人。嚴宮門。以駙馬都尉若公侯直守。然命下時。距南征數日矣。又明年。給事中奏。侍衛之設。所職匪輕。王者率多。腹削輸錢。脫更不勝。其弊乞重為禁戢。有不如法者。許給事中御史劾治之。仍命。義刀圍子手。并紅盔將軍。悉聽閱。其後嘉靖四年。

增給直宿紅盔官軍衣糧不為例三年復以請
上憫其侍衛寒苦詔仍與之遂著令五年一給云

...

京城巡捕

高皇帝定金陵置兵馬指揮司譏察奸偽既即位每
夜發巡牌旗士領之覈城闔扃鏹及踐更者已復改
命衛所鎮撫官而掌之中府永樂中增置中東西南
北城指揮司至

改衛所鎮撫官掌之

宣宗初年京師多盜召尚書蹇義夏原吉語之曰朕
憫愚民無知扞罔近獲盜再三刺訊未忍加刑而小
人遂扭以為故常輒敢糾合亡徒肆暴不已爾等其
計議以聞於是義等奏曰陛下好生罪人多從寬
贖夫使良民被僭掠之苦而奸民反徼幾幸之恩非

命錦衣衛
指揮同御
史督緝捕

設把總都
指揮職巡
捕

特置叅將
員名請勅
提督

所謂平也。自今請依令甲。有犯者梟。詔可。已復於
都城諸門。增候卒五百人。兵馬司給卒百人。相兼夜
巡。成化中。始命錦衣衛指揮同御史督兵馬司緝捕
末年。所司奏撥團營軍二百人。併捕賊。從之。弘治初。
兵部臣條上方畧。於是嚴里甲之法。家給繇牌。縣之
門。具書籍貫丁口名數。有異言異服者。卽自糾發。不
告。奸同。臯命如議行。越五年。設把總都指揮職巡捕。
又三年。虜警。勅內外城守官。嚴加譏察。而廉其怠玩。
溺職者。正德中。增選團營軍。末年至四千人。而特置
叅將員名。請勅提督。以署都督桂勇爲之。初制官軍

御史條上
六事

三千六百。巡邏京城內外。南至海子。北居庸。西過蘆
溝橋。東抵通州。地遠不及。於是民間多盜。本兵以
爲言。乃以命勇。勇能於其職。盜稍清。亡何。復發。御史
條上六事。曰。樹柵門。聯什伍。分巡邏。置望樓。習武事。
定寅格。從之。嘉靖初。巡捕官軍時。有增置。間歲。令掣
回新軍若干名。回營。仍簡其壯勇。以補故額之老羸
者。其後又增至五千。屢命巡捕叅將官。督操無怠。而
監以兵部司屬一人。已改命給事中。尋復命司屬。今
考額定官軍。凡一萬一十八名。馬半之數矣。

營制之設甚詳。有戰兵營。有車兵營。有城守營。有備
 兵營。所以備攻守也。有巡捕營。所以防盜賊也。有勇
 士營。有四衛營。所以護
 內廷也。顧名思義。失其旨
 矣。一曰簡練。以練為簡。則有簡之實。無簡之名。老弱
 者不能習操練之勞。因而覈其丁壯。以代之。誰不心
 服。乃諸選鋒者。往往持其長技。乘其暇日。出而縱不
 軌於外。而將不能制也。操練之法。嚴既不得逞。兇狡
 之餘力。而時時有所自見。其長以邀賞。使技日精。而
 束於法。住操之日。各本管將領。不拘晝夜間。行掣查

巡視京營

營制之設甚詳。有戰兵營。有車兵營。有城守營。有備
 兵營。所以備攻守也。有巡捕營。所以防盜賊也。有勇
 士營。有四衛營。所以護
 內廷也。顧名思義。失其旨
 矣。一曰簡練。以練為簡。則有簡之實。無簡之名。老弱
 者不能習操練之勞。因而覈其丁壯。以代之。誰不心
 服。乃諸選鋒者。往往持其長技。乘其暇日。出而縱不
 軌於外。而將不能制也。操練之法。嚴既不得逞。兇狡
 之餘力。而時時有所自見。其長以邀賞。使技日精。而
 束於法。住操之日。各本管將領。不拘晝夜間。行掣查

誰得為非亦止亂之法也。一曰選將。今之科目世胄寒苦者往往不見用。即見用又限以薦數。薦數雖多如不夤緣不得推也。白衣納級鑽刺通神雖薦數不合例亦即推也。可恨者吏員三考彼已選官革叅為民復以銅臭一百二十兩援納署所鎮撫計圖薦剡宜盡革去。奇才異抱亦止許從行伍中立功自見不得濫入京營營薦營推也。本兵李化龍兵科朱一桂曾有重科目禁雜流之疏。議將中式武舉不必論薦但期每推與世胄三七剖分挨次用盡毋使沉淪又三科武舉久屬磨礪合題授千把總職銜各給劄

此法可行

咨送有願入京營効用有願投各省直立功者即委以事。一曰遷擢。夫邊腹指揮千百戶近例三薦者得推陞守備從此而遊擊都司而叅將而副將而總兵獨京營陞轉可謂紆遲矣。先為城守營把總次為車兵把總再轉則為戰兵把總千總亦然。至于中軍必四轉始至副將營中軍總之一年一轉計十一年而始得一號頭。或有二年三年一轉者雖則不齊總計不下二十餘年而方為一末將。以後但論薦箭之別操守廉潔者不必拘于戰車城守之例。把總即轉千總千總即轉叅遊佐坐營中軍參遊佐坐營中軍即

轉副將營中軍副將營中軍卽轉號頭尤可訝者如
 云某考中下轉京營又云某不堪外用處京營卽有
 英雄自喜輩皆視京營爲冷局人不復施眉睫矣合
 無題 請著爲令官京營三年必與外轉若邊將之
 周歷於外者又必移而官之京營所以內外平勞彼
 此互轉一曰武藝今之選鋒所習者步射耳馬上箭
 未習也所執者腰刀耳鎗刀法未知也腰刀乃步軍
 旁牌手所執用以斫馬足割敵級原非馬上長技馬
 上長技惟長鎗大刀爲最蓋鎗之長者我易及人而
 人不能及我刀之鉅者一擊而人莫能禦也謂宜於

此法宜亟行

選鋒弓矢旣程外若馬上刀馬上鎗人習一技至於
 三眼鏡手靶鏡有宜於馬上者亦令時習而通曉一
 曰冗員各營中軍千總下額設把總十二員各營軍
 多不過三千名止二千餘備兵不滿千人亦設把總
 十二員此何爲耶宜查軍之多寡每把總一員必實
 管軍五百名則大營不過六員中營四員可矣其聽
 用一途中軍千把總皆繇是出舊規止許世官武科
 聽用後益以三科會舉蓋所以嚴始進而重委用也
 邇來姦商稅棍買入武學捏稱武舉而求聽用白丁
 游士托藉權門詭云鎮撫而求聽用遇有選總員缺

輒用二百金以謀者。遇有千總員缺。輒用一百金以謀者。卽圍子手把總。與標戰營把總。稍可存濟者。亦用五六十金以謀。履歷之實。漫不一查。彼旣稱鎮撫矣。必有號紙。旣稱武舉矣。必有文引。誠下清查之令。世官則驗其號紙。三科則驗其文引。聽用世胄。編加遴選。年力强壯。弓馬可觀者。存留聽用。其年邁力弱者。射藝生疎者。宜行斥汰。仍於聽用將官中。擇才識宏博者。一人教習之。每逢進操日期。令該將與各世胄。講論韜鈴。陳說忠義。商確時務。演習弓馬。每月一試。開註所能於冊。待年終甄別。一曰清軍。夫今三大

營之軍。皆食糧於七十八衛所。七十八衛所。專承造糧餉。三大營總而團練之也。然七十八衛所。各有分屬。每一大營。分轄二十七衛所。其五軍神樞與神機相等。卽以神機一大營言之。自一營起至十營。每營軍額三千名。某衛屬某營。某營轄某衛。自紛更日繁。舊制潰裂。有一營而轄二十七衛所之軍矣。不特一營卽一司一隊。而有二十七衛所之軍矣。凡各營之乏軍。俱於備兵取補。而乏軍之名。缺衛所。每影射而不除。間有乏軍而衛官冒食糧石者。有外差占役。詭名無人。而冒食糧石者。有踰禁跳營。中途作弊。兩相

朦朧而冒食糧石者。行令七十八衛所。每月照前所議備造糧冊。一樣三本。先投巡視科院。各用印掛號。一送下糧廳。一送兵部。一送京營公署。不時調取管冊抽查。至如京營所轄山東河南中都春秋兩班都司所領班軍。到京之日。例應謁見總協科院四衙門。開具已到名數呈報京部。票行號頭官查點收操。仍聽巡視京營科院點閱。遵行久矣。本管將領不能盡曉。本管把總與寫字人目擊耳聞最真。其簡束亦無難也。但於選鋒人數立爲同把。或住居相距不遠者五七名。一把十數名。一把擇一殷實歷練者爲把頭。

各開姓名。互相保結。造冊備照。如內中一名犯事不舉報者。同把同罰。或有素不安分。許令把頭預首本營。申報科院。漢之民有更法。每歲踐更一月。今之民有役法。十歲里役一年。夫民且然而况軍乎。歎操之後宜。彷彿更法。役法令二千人常在營中。而輪一副將爲主帥。且更代者常十一而防守者止數月。此視民之更役尤便也。一曰軍餉。各倉給散。俱有欽定限期。每月不出初十日。近年來戶部坐糧。雖在月先。而或守候開倉。有延至月終方給者。在衛官卑輜其誰敢抗。在貧軍則嗷嗷之口。萬不能待也。且昔年驗准

之日。卽與收糧。或加幫支。近日查對糧案編軍回銷手本等件。至爲詳悉。而不卽收糧。甚至當差一年半年而不沾升合者。又有稱被掌印官侵尅者。有稱被放糧千百戶勒指者。有稱被管事軍人闖其不到而冒領者。有稱被私債扣除者。有稱被抱籌混搶者。有稱被準扣使用者。有稱抵作季錢者。或一石二石。或數石。以至于數十石者。至於逃乏事故。該衛竟不開除朦朧支領。此又不可勝計也。又訪得有等營總司總委官包攬各軍。指稱納某處官錢。聽其自便。應得月糧皆其冒領。每月有領至二三百石者。朝廷設

官分職。衛有掌印僉書。則有經歷司。次及千百戶。今經歷絕不與糧。則職司何事。以後放糧。本衛掌印僉書經歷。眼同照數發籌。不得仍踵前弊。而放糧千百戶等官。查其殷實者。方行督委。掌印等官。年終舉刺。經歷官移文吏部紀錄。如仍前冒濫。侵尅軍糧。或查出。或告發。一體查叅。近議巡捕營軍。在京領米。尤所以恤勞苦也。一曰戎器。有謂小弓小箭。遇暑必讓。遇雨必軟。毫無實用。宜照邊方演習大弓大箭者。有謂長箭利害。彼此共之。不若習邊箭。邊箭者。其桿約長八寸。其鏃或倒鈞。或細腰。敷以毒藥。中虜中馬。射時

皇明世法金 卷三
仍用大弓。止加溜子。可射三百步。穿胸洞甲。近經工部錢糧不敷。造辦鉛子。不給三分減一。些須鉛子。能省幾何。鉛子一減。該廠必不多造。其害可勝道哉。自是而火藥粗惡。軍士每領出。悉委之溝壑。凡遇上牌。下營。僅用銅錢二文。買火藥一包。以備衝打調隊之用。朝廷所設火藥局。謂何乃粗惡。塞責而令軍士自買。演放也。且火藥私製有禁。可於市井買之乎。又所常合用號碗。近來該廠匠役。時常裂碎。關繫軍命。此亦宜。題參罪革者。營中弓矢撒袋。製自外方。解之。內庫二年一次。給弓一張。箭三十枝。撒袋一副。

散與軍士。總屬不堪之材。且北方土燥。風高氣自勁。裂而燕尤甚。則江南弓箭。雖加精巧。終不可用於北。縱議各刻弓人矢人之名。以待參究。亦且緩不及事。蓋至此時。鬻之無用。棄之可惜。軍士每置高閣。旋復自行製辦。合無量其工價所費。移文工部。轉行所造衙門。折銀一半。解給各軍。責令自製。不特衆軍所願。抑且爲朝廷節省一半之費。一曰戰車。京營設有車兵十營。群三萬衆。而練之。每營戰士一百二十輛。其製四圍箱板。內藏其人。中留銳眼。開以小窗。車長一丈五尺。高六尺五寸。前後左右。橫排鎗頭。每車占

皇明世宗 卷四十三
地五步。若用車一千輛。一面二百五十輛。約長四里。欲行則行。欲止則止。內藏軍馬糧草偏箱車者。以半邊箱板。故曰偏箱。以馬駕行。遇敵橫排。以箱向前而發銃砲。但二車之體太重。不便于林隘。不若彷彿大猷。蒯遼輕車之製。輕車之式。彷彿武剛車。而減其半。先造一獨輪車。而以二輛製機。拴合爲一車。名曰鴛鴦車。製箱版於前面左右。內藏銃砲藥箭神砂。每車二人駕之。二人擁衛。施放火器。易地則合爲雙輪大車。險地則分爲獨輪小車。進退如飛。捷若轉環。然後用佛郎機以禦敵之衝。龍虎等砲以擊敵之遁。兼以選


鋒敢戰之士。爲之隨後襲擊。乃今各軍損壞不堪。已經送廠改易。雖有全修量修之例。然迄今已三年無一車到營。見存舊車。皆敗壞缺輪。將各營之車。分作四轉。春秋二季。每營量修三十輛。期以二年務脩完備。會總協科院四衙門驗看輪不如式者。仍退回該廠。另修。一日驗馬。營馬額設二萬一千有奇。解到馬匹內。每逢不堪者。告稟更易。以嚴刑迫之。軍士不敢不領。宜退回另補草料。一年之內。惟二月十月給放本色。餘皆折色。給銀不過六錢。然又三月六月九月十二月給以銅錢。每銀一錢止給錢五十文。尚不抵十

分之七。又壓三月而始放。較之巡捕營一馬入錢按
月支給之例。誠乃星淵。一曰緝捕。京師特設捕營。原
額官軍一萬三千有奇。馬五千匹。京城內外十八總
各有分管。東西南北掖哨巡軍。各有分地。將各總員
下軍番役額十名。再選十名。通計三百六十名。免其
下夜。專司緝捕。仍照四哨頭二隊尖哨事例。月加行
糧四斗。以優異之。一曰禁衛。勇士之名。始於龍興
淮甸。有銳卒三百首。首先歸附。收隸麾下。名曰小廝
號稱三千。至三犁虜庭。有降虜五百。遂與小廝同伍。
人給養贍地五十畝。改爲勇士。漸至增盛。四衛營之

設。始於宣德年間。武驤左等四衛。併牧馬一所。軍人
除在內監養馬直差外。其餘二萬有奇。亦設坐營四
員。每營馬步隊把總四員。管鼓中軍一員。用爲禁兵。
今勇士之殘耗。所餘不及二千。惟旗下五百名。曰硬
弓。教師。四衛營之軍。止餘六七十名。而馬止餘五六
百匹。乃其私相頂替。恣意賣閑。直差者在內監。而營
差者實積年。管寫放膽蠶食。盡數賣掠。每勇每軍一
年有二三兩者。每隊一年則賣銀百兩。蓋在內監不
過軍伴數名。在坐營把總不過軍伴數名。至如擡運
糞土槽椿打兵下場圍馬等項。通無見軍應差。每隊

自古不可
救藥者唯
胥吏而已

皇明世法錄 卷四十三
每年止費銀五六兩餽送了事而已營中官每隊每
年送長操季禮不過一二兩而已餘皆積奸管寫之
所吞噬也馬則四百匹名曰直馬實係在營管操月
支銀五六錢其餘爲操馬止支直馬錢糧之半又且
非現年現支也每坐營養贍頭目五名餘皆管寫賣
閑通不赴操夫勇士四衛之軍原有內直外操之分
今遇查點數有內外之總而未列內外之名所以積
年管寫以見在到營皆充外操之點以不到者充內
直之數是虛名在內監實利在諸棍矣自今以後造
定一冊用內監印信鈐蓋坐營轉呈科院查點出原
名某人今頂當某人類各一冊一一點驗登時卽給
年貌疤痕記軍單一張用印鈐蓋則頂替者樂從於出
名而不受官職之挾無人者樂從於出人而願脫冒
糧之辜又如金城之煩碁置舖舍以禦官軍之風雨
法亦至備也豪強乘之以快私始而虛冒其糧繼而
包認其軍究而侵奪其舖矣




皇明世宗

卷四十三

三

卷終



Faint vertical text columns, likely bleed-through from the reverse side of the page.

